

MUNTU WAKAITWA AA LEZA

2 . . . Neville. Nkuusa buyo kumubamba kuzumanana kwiiimikila, ku malambo. Elyo Nda inda awa aa cipangano cimbi, kutandila oora acisela cainda, elyo bantu bakali kufutata kuzwa ku mulyango, kabazwa. Nda swaana Billy kubusena okuya, elyo wa kati busena bwakali libambilide ku kuswaangana kuzwa kumatalikilo, kuzwa masikati aya. Aboobo Nda . . . Twa kajisi buyo muswaangano oyu muniini kuno. Tii twa kaubikka akwalo mu mitende ya mubusena. Aboobo, tu jisi buyo ciindi ciniini ca luswaanano.

3 Elyo lino lyoonse kula pakasizye, mbuli bantu bata kkali mu dolopo mbobanga baziba, kuti, okuno ku busena bwa muunzi lyoonse buli mu kusotoka, kazuza kuzwa ku busena kuyaku busena, a kusyankana. Aboobo, Ndi baanga ndazibila kuli ncico. Ndi sika buyo ku busena mane Nse cilekeli ku ndinyonganya, kunji mbuli mbo kukonzeka. Alimwi mulizi, weelede kutola ciind ciniini, alimwi ceelede kwndila, ku Mwami. Ikuti na to citi ceeco, nkokuti to booli mu muswaangano a bubotu bupya bwa Muuya Uusalala. Elyo cindi mwa njila, mbuli sunu mbo cakabede, oko kwakali buyo bwuebesi bomwe, bupati, ee, cibaanga nciyumu ciindicimwi kuli ndime kunjila, kutantamuka kuzwa ku kusyamba kuniini aku tonta, nywebo mwabona, akuli nyonganya omwini. Cindi Nda cita ceeco, mpawo Nse konzyi buyo kujana Muuya Uusalala ali onse muli nguwo.

4 Aboobo, Nda usa, nekuba, ku bantu abo baima mu—mu tuzila a koonse aanze. Elyo baka boola, kulanga mukati, kaba njila mu mootokala wabo a kujokela. Nda kali kuyanda kujana cikolo cipati kunseleno okuno, kujatilila buyo muswaangano wa masiku masyoonto, pele cikolo cila zumanana ku ciindi eci, alimwi cibaanga nciyumu kuli ndime ku cijana mu ciindi eco. Pele Ndi yanda kwaamba kuti Nda lumba ncobeni umwi aumwi wanu, mukati aanze, elyo ku kubelekela antoomwe kwanu kubotu, a kuli zyoonse nzo mwakacita.

5 Elyo cifumo cino, mu kwiiya kwa Munsondo, Nda kalumba bantu ku mulumbo oyo wakapegwa kuli ndime masiku ainda, eoy wakalu mulumbo wakuta lombelela. Mukasimpe, Nda kaambila mweembeli okuno, mweembeli wesu uuyandwa, Mukwesu Neville, a bamwi, inga Nda sala kuti taba kaciti eco. Pele baka cicita, nekuba, aboobo Nda kali kuyanda kulungulula ali ncico. Lino, obu mbusena buniini, alimwi tabu kakkali aa bantu batandila ku myaanda yotatwe, Nse yeeyi. Elyo cipaizyo cakali madollar ali myaanda yotatwe a makumi obilo aone, eco caamba kuti ba katangana kutandila kabeela komwe ka dollar lyomwe. Eco nce cipaizyo cibotu kwiiinda Nce kasola kundipa mu buumi bwangu, ca mweelwe wa bantu. Kanji, iyo inda

kutandila maseenti ali makumi obilo aone muntu, makumi obilo aosanwe. Maseenti ali makumi obile aciloba ncituuzyo cipati, ku muntu. Pele eci caka bikka akati ku cibeeela ca dollar. Alimwi Ndila cilumba ncbeni eco.

⁵ Elyo ndiza tii Nda jana, cifumo cino, kutondezya kuli ndinywe nobamwi. Twa kajana mulolo, bbokesi lya mulolo libikkidwe amalyatilo, a zipo ziniini zya katuminwa kuli ndiswe. I mukaintu a Ndime tu yanda kutondezya kulumba kwesu kuli ndinywe nobantu. Elyo Ndili masimpe kuti ku bubotu nko tuzi, koonse kwa ncico nkwa Bwami bwa Leza.

⁶ Elyo cindibamba kulimvwa mbuli kuti Nda lombozya ni Nda jisi busena bupati ncobeni oko nko tukonzya kuzumanana buyo kuzumanana kwa ciindi cilamfu a kukutauka ku bantu. Pele akwalo sunumasiku, kwamana kuswaangana, Nde elede kuunka. Kwalo, Nse kakonzyi kuzwa sunumasiku, pele cifumo maningi, ku kuzwa.

⁷ Nda jokela masiku atobela mu Mujibelo. Kuzwa Munsono cifumo, alubo, ku Colorado. Elyo omwe buyo kutobela umbi, kuyabuya.

⁸ Elyo mpawo muswaangano wangu utobela wa masi aakumbi wasika mu Mukazimaziba, uli mu Australia a New Zealand, a kwiinda omuya. Lino, Ndi yanda kuti mundi kombele. Ndi yandisya ncobeni mipailo yanu.

⁹ Elyo mpawo Ndi yanda ku... toonse swebo kuba balumbide kuli Leza Singuzuzyonse, Oyo wakacita zintu zipati zili boobo kuli ndiswe mu muswaangano oyu muniini. Nda syoma, ku mweelwe wa ciindi, kwali kunji kwa kuzwidilila mu muswaangano oyu kwiinda muswaangano uuli oonse ngo Nda kasola kujatilila mu buumi bwangu ku cikombelo eci. I Mwami wakali kuboneka kujula zilongezyo.

¹⁰ Nda kayeeya, ndiza, kuciindi ca muswaangano oyu, kuti kuzwa ku cilengaano eco Nee kajisi, kuti mulimo wangu uyo cinewa ku mulimo mubotu a mupati maningi. Lino, ciyo citika buyo mbuli masimpe nywebo nobantu mwakamvwa eyi milimo yotatwe imbi ya kaamba kumbele, na aya obilo ambi. Oyu umwi uyooba buyo mbuli boobo, mupati maningi buyo. Pele busiku butaanzi, Nda kaita buyo bantu atala awa ku cipaililo, kainka nkoonya kusule ku kutweluka. I busiku bwabili, Nda kabatola mu kaanda, kainka nkoonya kugama ku kutweluka. Elyo masiku obilo ainda, mpawo, twa kabaleta awa aa cibumbili, kugama buyo ku kutweluka.

¹¹ Pele kulungulula buyo zintu zimwi, mukutausi moofu wakatambula kukubona kwakwe aa cibumbili.

¹² Elyo basimbi bobilo baniini, masiku ainda, kakkede mu whilucceya, a malwazi cakuti taakwe muntu uuzi mbo cibede, taakwe dokotela. Matende abo mapati loko, a tunwe twaboo katuloka, tunwe katuloka, nkabelaa taakwe cintu cikonzya

kucitwa kuli mbabo. Elyo kuciindi buyo Muuya niwakali bunanike, Nda kaunka okuya, a mu Zina lya Mwami Jesu, waka singanya bulwazi obo, elyo atala kuzwa mu whilucceya bakaunka. Elyo cifumo cino, kweenda koonse kuno mu cikombelo, mbuli mwana uuli oonse umbi, a kuboola okuya a kubbizigwa a lubbizyo lwa Bunakristo, moonya omuno mu ciziba, cifumo cino.

¹³ Kuciindi, Ne kajisi maminiti masyoonto akwiiya, kaindi kainda, elyo kwakali beenzuma bangu bamwi, Mukwesu Hoover, mukutausi kuzwa kumusanza mu Kentucky, wakazwa kwiinda a kusiya ijwi a mukaintu wangu, kuti masiku ainda mu mundandi wa kwiita, mu bbunga, banakazi bata kajisi makkaadi aa mipailo ali oonse na kufumbwa cintu, bakkede buyo alya kabakomba. Alimwi kwakali mwanakazi omwe wata kalide, Nda luba kulamfu kwaciindi, cakulya; zikoto mwida lyakwe, zyaka zula zyonse. Elyo Mwami waka mwiita a kumuponya. Elyo cifumo cino waa kabuka a kulya kalimbabula kakukkwene, elyo uli waano abusena bumwi sunumasiku.

¹⁴ Elyo bamwi, abo mbakali kwaamba, alimwi, oh, ciindi nicata kazumizya, ku zintu ezyo Mwami wesu nzya kacita. Aboobo, kuli ndiswe, eco citupa camba kuziba kuti cili munsi loko, cintucimwi cilaafwi kucitika, cipati.

¹⁵ Mangolezya ainda, kumane kuswaangana, kwamana Mulumbe, Nse na ku ciindi cili coonse kusola kubona Muuya Uusalala kusola kunanika bantu kufumbwa mupati kwiinda Mbo wakacita busiku bwainda. Tu langila kumbele kuli umbi, sunumasiku. Elyo lino amu ndikombele.

¹⁶ Elyo Ndi yanda kubala Ijwi lya Leza lilelekewe. Elyo katutana kubala Ijwi, atu kanane buyo kuli Nguwe, a mitwe yesu kiikoteme kwa kaindi kaniini.

¹⁷ Oyandwa Taata Wakujulu, twa boola kuli Nduwe sunumasiku, ndiza kukatala buyo anini mu mibili, pele, oh, obo myuuya yesu mboi katalukwa! I zitonezyo zya Leza muumi, kuti Uli andiswe, a ku tulongezya, a kutupa ceeco Nca kasyomezya, i cakwiindilila, kapati, atala ali zyoonse nzo tukonzya kucita na kuyeeya. Elyo ikuti na twa jana luzyalo ku meso Aako, kwiinda mukusyoma Mwana Wako, Mwami Jesu, inga twa lomba sunumasiku kuti Uyo tuswaya alubo ku cibeela cabubili ca Muuya Wako. Akube kuti Li tilwe mu nguzu zipati a kweeleka aa muntu oonse awa, ku syoma Makanimabuto a kutambula Nguzu zya Muuya Uusalala mu maumi abo. Kovuna abo balipede sunumasiku, Mwami, a kuponya abo bali bambilide ku kuponesegwa. Ko cipa, Mwami.

¹⁸ Elyo mbuli mbo tubona bantu kaba bindaanina mukati, kabaimvwi mu milyango, bali myaanda bakafutatila mbungano niini, cila tuyeezya kuti Jesu Kristo ngu mbobuca nguwenya, sunu, amuya myaaka. Kuti, mu mazuba cindi Na ka tuswaya

omuno mu ciimo ca mibili, muncini uupulinta wakali mupati loko, tiiba kakonzya akwalo kusika kuli Nguwe a muntu, elyo bakacita kumuleta kwiinda mu ciluli ca buyake. Elyo twa komba, Leza, kuti sunumasiku, kuti umwi aumwi weelede kubindaanina mu nzila eyi uyo pegwa bulumbu mbuli muntu oyo mbwa kabede.

¹⁹ Longezya Ijwi Lyako mbuli mbo tu Li bala. Alimwi akube kuti Li be Lampi, Mumuni mu kazila kesu. Nkambo twa cilomba mu Zina lya Jesu. Ameni.

²⁰ [Umwu wakanana ku Mukwesu Branham—Mul.] Peepe. Rosella Griffith? ["Iiyi."]

²¹ Ca kalungululwa buyo kuli ndime ndyoonya lino kuti musimbi oyo Ngwe ita cifumo cino...cakolwa oyo wakaitwa mu muswaangano mu Chicago. Cakali kuti waa kali kkede mu bbalukkoni cindi Muuya Uusalala niwa kakanana kuli nguwe a kuti waa kali cakolwa. A bamadokotela bapati basanwe bamu Chicago bakamulanzya buyo meso. Kabunga Kamasi Kalanganya kulesya kunywa makoko kakamulanzya buyo meso. Elyo waa kaitwa kuzwa, kuzwa kuli MBUBOOBU MBWAAMBA I MWAMI. Waa kaponesegwa. Ta kasyonka cakunywa kuzwa ciindi eco kuyabuya.

²² Elyo mulindu umbi muniini atala mu bbalukkoni atala lyakwe, oyo wakali mweenzinyina wakwe, oyo ngo bakali kukkanla mu Dolopo lya Calumet. Ikuti na muntu uuli oonse ulizi eco mbocibede, ayo munyinza wa makani awo mpo cili cibyaabi kwiinda Paris, France, misyobo yoonse ya bubi kaicitika. A kumwaambila kuti waa kali sikusambala madragi, alimwi wakali muzyani ku Fred Astaire. Elyo bawisi baka civuna. Pele waa kabuka a kuti, "Bataata, mwaalumi uli luleme ncobeni." Uli kwete lino, musimbi muniini, nkabela uli mu lweendo lwakwe, kubusena a mulumi wakwe, kakambauka Makanimabotu.

²³ Rosella mubelesi wa mulimo wakutolela lusyomo, kuzwa ku kuswaangana koonse kwa ntolongo a zintu zyoonse ezyo nzya konzya kunjila, kwaambila bacakolwa kuti kuli bulangizi, alimwi omo muuli Kristo.

²⁴ Waa kali minidwe maningi kuli bawisi. Buyo buzuba bwa zoona, ku muswaangano wakubuzyanya kwa maminiti ali kkumi, i musimbi wakali sikugwasya wini wa miswaangano, kwa myaka yamananino yone na yosanwe, kuti waa kandaambila, mu mpuwo niini ya maminiti ali kkumi, okuya ku trela, ku kubuzyanya buzyanya, oko kwakati, "Mukwesu Branham, kufumbwa nco cita, Ndili minidwe kabotu nkambo ka bataata. Ula muyanda, pele ta kabooli buyo kuli Kristo."

²⁵ Nda kati, "Rosella, Leza ulizi nzila ya kucita ceeco. Uli zyi nzila ya kumu bamba kucicita."

²⁶ A makani akaboola eno akuti waka limbwa kunsi lya maloodi a laimositon. Atu mukombele mpawo.

²⁷ M wami, ku mulomo oyo wa mwana musimbi uusyomeka, a walo kapatide kunsi kuya, kuti inga wafwa kunsi lyawo; Leza, kopa kuti ata kaciti, pele buntu bwakwe buyo lungumana a kuyeeya kuti Nduwe Leza Oyo ukonzya kwiingula mupailo kunsi lya cilwi ca laimositon, mbubonya mbuli Mbo kali kukonzya mwida lya nswi, na mu bbila lyamulilo a mulilo, na mu bulyango a balavu. Yebo ucili mbubonya. Ko muleta, Mwami, Munakristo waka sanzigwa. Tu lizi kuti zintu zyoonse zila beleka antoomwe ku bubotu kuli baabo ba Ku yanda. Elyo twa lomba kuti eci ciyooba cimwi ca zintu ezyo, mbuli mbo tu cituula kuli Nduwe, mu Zina lya Jesu. Ameni.

²⁸ Mu kubala kwa Ijwi sunumasiku, mu Bbuku lya Bami Bibili, Ndi yanda kubala mu cipati 2, ku cibalo buyo ciniini, kujana ciyo, Leza nawayanda.

Elyo caka boola kucitika, kuti cindi MWAMI nakali kuyotola Eliya ku julu kwiinda mu kambizi, cakuti Eliya wakaunka a Elisha kuzwa ku Gilga.

Elyo Eliya wakati kuli Elisha, Ko lindila yawe awa, Nda ku lomba; nkambo MWAMI wandi tuma ku Bete-el. Elyo Eliya wakati kuli nguwe, Mbuli MWAMI mbwali muumi, alimwi mbuli buntu bwako mbo bupona, Nse kokusiya. Aboobo ba kaselemukila ku Bete-el.

Elyo bana ba basinsimi... bakali kokuya ku Bete-el bakasika kuli Elisha, a ku mwaambila kuti, Ulizi na kuti MWAMI uyo gusya simalela wako kuzwa ku mutwe wako ku buzuba obuno? Elyo wa kati, Inzya, Ndili cizyi; amu... umune buyo.

Elyo Eliya wakati kuli nguwe, Elisha, lindila awa, Nda ku lomba; nkambo MWAMI wandi tuma ku Jeriko. Elyo wa kati, Mbuli MWAMI mbwali muumi, alimwi mbuli buntu bwako mbo bupona, Nse kokusiya. Aboobo ba kaunka ku Jeriko.

Elyo bana ba musinsimi... bakali okuya ku Jeriko bakasika kuli Elisha, a kuti kuli nguwe, Sena uli zyi kuti MWAMI uyo gusya simalela wako kuzwa ku mutwe wako ku buzuba obuno? Elyo wa kaingula, Inzya, Ndili cizyi; amu... umune buyo.

Elyo Eliya wakati kuli nguwe, Lindila awa, Nda ku lomba, nkambo MWAMI wandi tuma ku Jordano. Elyo wa kati, Mbuli MWAMI mbwali muumi, ... mbuli buntu bwako mbo bupona, Nse kakusiyi. Elyo bobilo ba kazumanana.

²⁹ Akube kuti Mwami ayungizye zilongezyo Zyakwe ku Ijwi Lyakwe. Ciiyo cangu ca sunumasiku ngu: *Muntu Wakaitwa Aa Leza*. Elyo Njo sola buyo mu bufwaafwi mbuli mbo kukonzeka, nkaambo tu jisi mundando mupati wa mipailo uboola mu

maminiti buyo masyoonto, pele, kumupa buyo kulanga kuniini ku ziindi nzo tupona.

³⁰ Tula mvwa kulila oku aa redio, a mu masena aindene, a kuzwa ku myoyo iisinizizye, "Mwami, kotupa lubukulusyo mu ciindi cesu." Elyo kuzwa ku magwalo kuzwa ku Banakristo kuzunguluka inyika, tu mvwa kulila oko, alimwi kucita cintucimwi ku moyo wako. Nku nanika. Nku sumpula. Nku pononosya, ku buntu, kumvwa bantu ba Mwami kwiitila lubukulusyo.

³¹ Elyo Leza wakabamba cisymezyo, "Ikuti na bantu baitwa ku Zina Lyangu bayo libunga antoomwe a kukomba, mpawo Njo mvwa kuzwa ku Julu."

³² Elyo aboobo swebo, sunumasiku, tu yanda kuyeeya ali ceeco. Elyo amuyeeye, kuti, akati ka kulila oku koonse, Leza takonzyi kutuma lubukulusyo kusikila Uli jisi bantu mu ciimo ca kuutola. Ta tukonzyi kuba a lubukulusyo kusikila tubweze bantu, bantu baitidwe aa Leza, bantu bakaiya kwa Leza, abo bata kayiisigwa mu zikolo zya lwiyo lwabukombi a zya lwiyo, pele bantu bagalankene ba lusyomo, abo Leza mba kabusya ku cikolo ca kuyiisigwa Kwakwe kugalankene. Bantu bata yoowi kulanganya mulilo! Bantu abo banjila mu Busyu bwa Leza; a kuziba nguzu Zyakwe, a kuziba kubaanguzuoonse Kwakwe, a kuziba nguzu Zyakwe zyakuponya! Bantu bamwi abo bakayiisigwa kuziba Leza muumi! Kuli kabotu kubayiisya kwiinda ku Ijwi, pele, "I lugwalo lulajaya; Muuya upa Buumi."

³³ Elyo katutana konzya kuba a lubukulusyo olu, Leza weelede kutumina a kuyiisya bantu, bantu bakaiya Leza, kubweza Mulumbe oyu. Elyo tabakwe ndaba obo nkamu ya sinkondo mboibede. Bali libambilide kuunka ku bbila lya mulilo mu kuzundwa, na ku bulyango bwa balavu, na kufumbwa mbo cinga caba. Bali libambilide kuunka, nkaambo bakali mu Busyu bwa Leza, a kuziba kuti Mbwa bede. Naa nkuzunda na kuzundwa, ba cizunda mbubonya. Oyo ngo musyobo wa kwiya Leza nkvacita ku bantu. Elyo nceenzu loko kuyeeya kuti Leza inga wacita ceeco, kuti Leza ulanyonganya bantu Bakwe mbuli boobo, pele Ula cita. Nywebo mulizi, tu jisi lwiimbo lwakaindi ndo twiimba:

Bamwi kwiinda mu meenda, bamwi kwiinda
mu zambangulwe,
Bamwi kwiinda mu masukusyo asakene, pele
boonse bainda mu Bulowa.

³⁴ Leza ulasololela bantu Bakwe kwiinda mu masukusyo mapati, ku kubasalazya. Elyo ciindicimwi citola myaka kucicita. Elyo mbuli kuli lwangu, sunumasiku, Nda syoma kuti ndyoonya lino kuyiisigwa kwa Leza bali boobo ku swaana mundando wa kumbele, baalumi abo baindamo, alimwi, ciindi, bakazungaana kuzwa ku matende abo. Ziindizimwi kuboneka mbuli kuti cintu coonse cili mukuwa, pele nekubaboo, akati ka ncico

coonse, ba lizi kuti Leza muumi akubamba masyu abo kunembo, kuzumanana kweenda.

³⁵ Elyo bantu banji kaba kombela lubukulusyo, Nda libuzya ikuti na nkobali ziindizimwi, ikuti na abo bali mukukomba, ikuti na mipailo yabo ini taiimi mu zikala zya zilongezyo. Cindi bakandu a kuyoowa kusyoma Leza, kuyoowa ku Mu bweza ku Ijwi Lyakwe, kuyoowa kusyoma kuti Walo ucipona sunu, cindi Bbaibbele Lyakwe lilaamba antangalala, kuti, "Ngu mbobuca nguwenya, sunu, amuya myaaka."

³⁶ Leza taiti, mbuce loko, bantu basongo, bayiide, bapampu. Bala sobana cibeele cabo, alimwi mbantu bapati. Pele kanji cindi Leza ayanda mulimo kucitwa, Ula jana muntuumwi oyo utazi ma ABC akwe. Amulingule Magwalo. Amulange kwiinda mu makani aakale. Bantu bakaba cintucimwi kuli Leza tee bakali bantu baka jisi lwiinyo lupati, pele bantu abo, ee, tiiba kajisi lwiyyo, kuyanda buyo mu moyo wabo kubelekela Leza. Wa kajana pulau, mweembezi, muzeli wanswi, muvvimi, abo bakapona mu bulenge. Mu buumuzi a butontozi bwa bulenge, awo Leza wakali kukonzya kukanana kuli mbabo. Elyo ngo nguwe Ngwa kaita.

³⁷ Elyo ikuti na ba jana kuti, cindi Aapa kwiiitwa ku bupampu bupati, oyo muntu kumalekelo wajokela ku mizeeo yakwe yabupampu. Ely kwiinde kaindi, cindi casika kubeleka zikankamanisyo, uli nyongene loko a bantu ba inyika, ku kuzumina cili boobo. Aboobo, kumalekelo wa kacisa ku kabungwe, a kuzumanana kuleya a kubamba mukutausi. Elyo eco cili kabotu, alimwi Nse jisi cintu cakulwana muntu oyo unga wacita ceeco.

³⁸ Pele cindi Leza alibambilila kucita cintucimwi mu zilao ziindakugambya, Kanji ubweza muntu oyo Ngwa konzya kubikka lusyomo Lwakwe mukati, a kumu nanika a kumu tuma kubusena, nkabela ta yoowi ku ncito. Oyo ngo musyobo wa bantu ngo tuyanda sunu; kutali basicikolo bapati bakalondolwa, pele bantu abo bazi Leza mu Nguzu zya bubuke Bwakwe.

³⁹ Ku mukozyanyo, kwakali muntu mu Bbaibbele, wa zina lya Musa, oyo waka jisi kwiiya kwakwe koonse. Wa kalizi loonse lwiyyo lwabukombi. Wa kalizi zintuzyonse nzya keelede kuziba. Wa... Ikuti na kayanda lwiyyo luli loonse, na kakonzya kuiisya basololi bapati mu Israyeli, na, mu Egepita. Ta kali kuyandikana cintu comwe. Elyo Bbaibbele lila twaambilila kuti wa kaiya mu busongo boonse bwa bana Egepita. Baa, wa kali kukonzya kuiisya basicikolo babo bapati. Wa kali kukonzya kuiisya basayansi babo, zintu. Wa kayeeme ku kaambo keni, cindi nicaka boola ku bupampu. Pele, nekubaboo, cakatolela Leza myaka ili makumi one kugusya zyoonse ezyo kuzwa muli nguwe, okuya mu miseenga. Elyo cindi na kajana mizeeo yakwe yoonse

yabupampu iya Leza yakazunda kuzwa kuli nguwe, okuya mu miseenga, i cibulo cakali libambilide kubumbwa.

⁴⁰ Eyo nje nzila Leza njatola bantu Bakwe a kuzunda kuyoowa kwabo koonse a bupampu bwabo boonse, alimwi mpawo Mubumbi mupati Simalela wabikka vwili akutaliaka kuba bumba ciindi coonse. Noba sikubeleka, kweelela! Walo muntu wa Leza. Nguni ukonzya kuiisya muntu kwiinda Leza Mwini? Amulangilile nzila Mbwa kabapenza.

⁴¹ Inga twa yeeya alubo kuli cimbi, ku zina lya Davida. Leza wakali kuiisya Davida cindi na kali mulombe buyo muniini. I musinsimi Samueli wakasika a kutila mafuta aa mutwe wakwe, a kumunanika, nkaambo Leza wakali kuyo yiisya Davida kuba silumamba singuzu. Elyo amulange ku kwiya Nkwa kamupa.

⁴² Nda kali kubala, ciindi cimwi cainda, kutala okuno ku Green's Mill, oko kanji Nkwe unka kuyo komba, oko Leza nkwa kaambila Davida, "Nda kakugusya ku ciba cambelele, kuzwa kukutobela eyo mbelele zisyoonto zya bauso kubusena okuya, elyo Nda kakumba zina pati mbuli bantu balemu ba nyika."

⁴³ Elyo Ndi yeeya zya kwiya kugalankene Nkwa kacita kuli Davida. Ta ka muyiisya maningi mu cikolo cimwi, pele Wa kamuyiisya mu cikolo Cakwe cini. Davida wakali muvwimi a mweembezi. Elyo mu Ntembauzyo wa kalemba zya macelelo mabotu a meenda abateme, nkaambo ngooyo wakali alikke, alikke alikke. Ta kasofwaasigwa a zintu zya inyika.

⁴⁴ Leza weelete kugwisya muntu kuzwa ku zintu zya inyika, kutegwa Ako nzye ku muumbulizya, kutegwa akonzye kuswiilila kuli Leza, eelyo Jwi, liniini lya butontozi. Mpawo, mu luswaanano lomwe a Leza, ta kabi uutayoowi mpawo. Amubone kuti takwe makani eco kufumbwa muntu ncaamba; wakali mu Busyu bwa Leza. Uli zyi Leza mu Nguzu zya bubuke Bwakwe.

⁴⁵ Elyo mpawo, Davida, tula mubona. Buzuba bumwi, Leza waka zumizya masekese kunjila a kubweza imwi ya mbelele zyakwe. Davida wakatobela buyo masekese oyo. Kwiina kuzumbauzya pele eco nca kakomba, nkaambo kwiinde kaindi kaniini wa kalyaambilila kuli ncico. Elyo wa kakomba a kulomba Leza. Wa kali sikulanga mayake ku mbelele ezyo. Ta kakonzya kusweekelwa mbelele ezyo. Elyo weelete kufutula mbelele eyo, ku muulo oonse. Elyo wa kawkempa nkwilipo yakwe niini, a kutobezya masekese oyo a kumujaya. We elede kufutula mbelele eyo. Nywebo mwabona eco Leza ncakali ku muyiisya?

⁴⁶ Leza uyanda beembezi Bakwe kufutula mbelele, kakutakwe kulanganya eco ncaelete kwiitwa a ceeco ncaelete kwiindamo. Ku zivuna mbelele!

⁴⁷ Mpawo Wa kabona kuti Davida wakali sicamba kuli masekese oyu, aboobo Wa kabusya buyo nguzu zya munyama

mupati maningi aniini, elyo Wa katuma kabelele...mulavu mukati a kubweza kamwi ka tubelele.

⁴⁸ Alimwi mulavu munyama usyoosya. Oh, mu Africa, cindi Ne kali kubavwima...Ii mulavu inga wajaya bantu bali kkumi kotana konzya kwaamba kuti, "Jack Robinson." Oh, cinyama, cipati canguzu! A vuuumma buyo kupati a, buyo, bantu bali mukunyonyoonwa. Elyo oyo uufwa kunsi lya nguzu zya mulavu taakwe kulimvwa kucisa kuli koonse. Nku yoowa kuli boobo, kumvwa kuvuluma oko mbuli mbwa pa. Ayo matende mapati loko, mu kavwalu buyo, wa kazapaula bantu bali kkumi ababili.

⁴⁹ Elyo kuyeeya, mulombe muniini! I Bbaibbele lyakati wakali "uugalankene." Eco caamba kuti wa kali ii...muntu buyo muniini loko, kajisi nkwilipo niini. Nywebo mulizi mbo cibede, kabeela kaniini ka cikutu kajisi katambo ku lubazu alumwi. Elyo mulavu ulaanzala, a kulabila kale kwa bulowa mu mulomo wakwe, kazuzila mukati a kukwempa mbelele. Davida wakalanga kuli Leza, a kuti, "Nse konzyi kusweekelwa oyo umwi. Kondi gwasya, Mwami." Elyo wa kaumina aansi mulavu, kubelesya nkwilipo. Elyo cindi mulavu nakabuka kumulwana, oyo mulombe muniini, a mulavu kalema kutandila mapaundi ali myaanda yosanwe, na kabotu, oyo mulombe muniini kalema ndiza makumi ali ciloba na makumi ali lusele. Wa kakwela, kuzwa ku bbeluti bwakwe buniini, cifulo. Elyo cindi mulavu nakabuka, oyo wakali noyo jaya bantu bali kkumi mu buzike bukubwene, wa kakwempa mulavu kwiinda ku cilezu a kumu jaya.

⁵⁰ Camba! Leza tayandi bakandu. Ta konzyi ku kubelesya ikuti na ula yoowa kubweza Ijwi Lyakwe a ku Mu syoma. Walo uyanda baalumi basintaze, tako bikkili maanu kuli cimwi pele eco Mwami ncaamba. Oyo ngo musyobo Ngwa elede kweenda awe. Kakutakwe kulanganya eco mbungano nco yaamba, eco mweembeli ncaamba, eco mbungano nco yiiminina; ula iminina Leza a bululami, a Ijwi Lyakwe. Abo mbantu swebo...Leza uyo tuma mazuba aya ku lubukulusyo Lwakwe olo bantu Bakwe ndoba kombela.

⁵¹ Kumane mu myaka, cindi na kaunka kutala kuyo swaana babunyina ku nkondo, kwakali mubbabbani mudaala kutala okuya, tunwe tulampa mainci ali kkumi aone. Elyo wa kali dundaizya, elyo wa kat, "Lino lekela muntuumwi aboole kundi lwana. Ikuti na wakonzya kunduuma, Njo lipa, a bumwi bumbi, nkabela tuyu belekela." Kufumbwa oyo uupaupa uyo cita, mubwini, uyooba umwi oyo uukasya.

⁵² Eyo nje nzila dyabulosi njayanda kucicita. Cindi ayeeya kuti ujisi mpela ali nduwe, uyo kwaambil, "To konzyi kuta subulwa kuli ceeco. To konzyi kukambauka kuponesegwa kwa Buleza mu mbungano ya Methodisti, mbungano ya Baptisti." Ee, nywebo no bakambausi ba Methodisti mula jata buyo Leza ciindi cimwi,

a kuziba naa mula konzya na pe. Uh-huh. To kaciti a lwiiyo lwako lwabukombi ndo bayiisya. Uyo elela kujatilila Leza a kuziba kuti Mbwa bede.

⁵³ Ba lati, “I bantu ba Pentekoste.” Ii myaka misyoonto yakainda, kwakali nkamu ya bantu kabaimvwi ku kkona, kutali akwalo i—i buyake mbo bakali kukonzya kunjila. Pele sena mwaka bala *Life* magazini, buzuba bumwi, eco nco bakaamba kujatikizya mbabo? Ncimwi ca zigambyoziinda zipati loko bukkalo obu nco bwa kasola kuziba, nku buka kwa mbungano ya Pentekoste. Cilimasimpe. “Elyo baleta basanduki banji mu mwaka omwe kwinda mambungano oonse mbwacita, kubikka antoomwe.” Eco ncencico *Life* magazini ncoya kaamba. Nkaambonzi? Inga basangene mu zintu zimwi, pele, mukwesu, mbasicamba; kwiiimikila alya, cigaminina, a kwiita kusiya kuba “kusiya” a kutuba “kutuba.” Cindi lubukulusyo lwa pasuka kumalekelo, luyo pasuka akati kabo. Amu langilile a kubona ikuti na talu citi. Bayo lulamikwa, bumwi bwa mazuba aya.

⁵⁴ Elyo, Davida. Cindi Saulo naka musamika zilwanyo zyakwe, a kuti, “Davida, ikuti na uyo lwana mubbabbani oyu,” katì, “baa, toli cintu pele mulombe, mukubusyi buyo, alimwi wakali silumamba kuzwa ku bukubusyi bwakwe, mbobuti mbo konzya ku mulwana?”

⁵⁵ Amuswiilile kuli oyu Davida muniini. Nywebo mwabona, ta ka caamba mbuli boobu, “Saulo, lulemeko lwako, munene. Bataata baka nditumina ku cikolo cabwaambe bwazisyobo, kkolegi, cikolo cipati. Ndi jisi Ph.D. Ndi—Ndi—Ndili libambilide kucita ceeci. Ndili muntu musongo.” Ta ka caamba booboo.

⁵⁶ Wa katì, “Mwami wangu,” wa katì, “cindi Ne kali kweembela mbelele zya taata kutala okuya, masekese wakasika a kubweza omwe, nkabela Nda kamujaya. Elyo mulavu wakanjila a kubweza omwe, nkabela Nda kamuumina ansi. Elyo cindi na kabuka, Nda kamujaya.” Elyo wa katì, “I Leza oyo wakandi vuna kuzwa ku maala aa masekese a mulavu, konzya akwalo kundi vuna kuzwa mu maanza ayo aba Filisiti abo batapalwidwe.” Ii muntu wakaiisigwa aa Leza!

⁵⁷ Mpaawo kwakaimvwi Saulo a kuiisigwa koonse oko muntu uuli oonse nkwa konzya kuba ako, kuziba nzila ya kulwana. Davida taakwe nea kazi kujatikizya cceba. Ta kazi cintu kujatikizya ntobo. Ee, Saulo wakainka a kubikka zilwanyo zyakwe zipati ncobeni ali nguwe, nkabela Davida muniini wakaliimvwi katandila kukwazama matende. Ba kajana kuti cikobela cakwe cabupaizi tii cakeelela ku muntu wa Leza; kamuzapaula buyo. Elyo toonse tunsiyansiya twesu a zintu tazi keendelezyi a zibelesyo zya Leza kutala.

⁵⁸ Oh, obo mbo tukonzya kuzumanana a kuzumanana, a kwaamba banji, bamwi banji baandeene. Pele, cigaminina ku cibalo cesu, ku kubinda.

⁵⁹ Eliya wakalikuya bucumbaala, nkabela wakali kuzyi kuti tali kalampi uya kusiya inyika. Elyo Leza wakajana muntu oyo wakali muntu uusyomeka, oyo wakali muntu mubotu. Zina lyakwe wakali Elisha. Lino, ikuti na mwalangisya, limwi lya mazina ngu Eliya a limwi limbi ngu Elisha.

⁶⁰ Lino, ta kaunka ansi mu ziimo, azimwi zimbi, a kuunka a kujana mu zikolo zya lwiiyo lwabukombi, a kutala mu zikolo zipati zya mazuba ayo. Neinzi nca kacita? Wa kazwa kuya mu muunda nkabela wakajana muntu wakalima a jokwe lya ng'ombe. Inzi? Elisha, umwi wakali kulima, kalizi nzila ya kulumba munkali ululeme. Alimwi wa kalizi kuti na kacebuka, na kaleya kuzwa mu mugwagwa. Elyo Leza wakalizi kuti muntu wa kazi nzila ya kulima mufolo uutonkomene, awata kazi kubikka maanza akwe a pulau anekuba kunyona kucebuka. Ta kalindila mane wa kajana lwiiyo lwakwe, kaluvunyungula mu mugwagwa. Wa kajaya buyo musune a kubamba cituuzyo, a kutalika kweenda a Eliya, cikobela eco mbo caka muvumpa buyo. Wa kali libambilide, kulibambila. Leza wakalizi kuti Wa kali kukonzya kumubamba kukonzya.

⁶¹ Lino, Leza weelete kumupa kwiiya kumwi. Wa kali kwiiya mbo kupakamikwa meso aakwe aa mufolo, a acipati ca basune bali twelufu, nkabela muntu omwe kaba limya. Wa kamuyiisya lukakatilo lumwi, a nzila yakuba silukakatilo, a kwiiya abo musune kweenda cakutonkomana mu mundando.

⁶² Wa kacita kuiiisya bantu bamwi, kumane; kuba bikka mu Bbaibbele, aa Ijwi, kweendelana a Leza, kukkala cigaminina mu mundando.

⁶³ Elyo, mpawo, awalo Leza wakacita ku muiisya aniini. Wa kati, "Lino amu lindile awa, nkambo Ndi inka ku—ku Gilga. I Mwami wandiita."

⁶⁴ Elyo musinsimi, nakamana kulimvwa Nguzu ezyo ali nguwe, ezyo cikobela ca Eliya, wa kati, "Mbuli Mwami mbwali muumi, nkabela buntu bwako bulapona, Nse kamusiyi."

⁶⁵ Kazumanana ku Gilga, buli i—i busena bwa kulyaambilila kwa Bunakristo a lubbizyo. Elyo mpawo wa kati, "Kokkala buyo awa lino. Oku nkubotu kweelede. Wa kalyaambilila a lubbizyo. Oku nkubotu kweelede. Ndi inka kutala ku Beteli," elyo lyaamba kuti, "ng'anda ya Leza."

⁶⁶ Lino, eco nicakaba ciboto kuli bayiide kapati banji. "Oh, Nda boola buyo mu mbungano a kuba aluswaanano. Nkaambonzi kuta kkala buyo mpoonya awa?"

⁶⁷ Pele, amuswiilile, Elisha takali kukonzya kuyeeya nzila eyo. Wa kalimvwa kale Nguzu zya Leza. Wa kalizi kuti kwakali kunji kuli nguwe. Aboobo wa kati, "Mbuli Mwami mbwali muumi, nkabela buntu bwako bulapona, Nse kamusiyi." Oh, obo Mbwe ciyanda eco!

⁶⁸ Elyo wa kaunka kutala ku i, Beteli, ku ng'anda ya Leza, elyo mpaawo wa kajana cikama ca basicikolo bapati. Boonse bakali bakambausi bakayiisigwa kabotu, nkabela bakeenda koonse a kumwaambila, kati, "Munene, sena ulizi cintu? Uli kumamanino masyoonto aa kasamu. Sena mwakalizi kuti Eliya uyo gusigwa kuzwa kuli ndinywe? Uli cembeede kapati. Ta konzyi kupona kwa ciindi cilamfu. Eliya uyo tolwa, nkabela uno imvwi kubusena kuya mbuli sikwiindilizya."

⁶⁹ Andi kwaambile cintucimwi lino. I muntu oyo wakasola kulabila Leza, tako yanda, na pe, takonzyi kutontozya nyota yakwe ku mukalo wa kapangwa aa bantu. Ta konzyi ku cicita. Okuya, lwiyo lwabo loonse lwabukombi ndoba kajisi okuya ku cikolo ca basinsimi, niba taka zimya nyota ya muntu oyo wa Leza, oyo wakajisi kuyandisya kwa Leza.

⁷⁰ Elyo ba kazumanana kumu sungilizya, "Oh, mweelede kukkala awa. Elyo, baa, mu mvwiki zili cisambomwe inga twa mupa yako Ph.D. Elyo, nywebo mulizi, inga tii caba cilamfu loko, kusikila watola myaka itandila kuli yone ya kwiiya awa, elyo inga twa mupa nguzu zya kukambauka. Nywebo mulizi, ikuti na watondezya kuba kabotu, inga twa kutuma mu kabungwe kesu." Eco ta cika kkutyi muntu wa Leza. "Tuyo kuyiisyia kuba mukutausi, ikuti na uyo kkala buyo andiswe kutandila myaka yone na yosanwe awa."

⁷¹ Ta kajisi ciindi ca musyobo oyo wa zintu. Wa kali mu nzila yakwe kuya ku Kasensa aako. Wa kacita kusika aatala lya ceeco. Wa kajisi kuyandisya kwa Julu mu buntu bwakwe.

⁷² Elyo wa kati, "Sena ulizi kuti mutwe wako uyo gusigwa?"

⁷³ Elyo amuswilile kuli ceeco nca kaamba. "Iiyi, Ndili cizyi. Pele ko umuna." Mu majwi amwi, "Kovuna kuyoya kwako. Uta soli ku ndaambila kujatikizya nkuko. Muta soli ku ndaambila eco nce Ndili mukucita. Ndi lizi oko nko Ndi ya a ceeco nce Ndi bede kwamana."

⁷⁴ Leza, ko tupa bantu mbuli baabo, bantu bakayiisigwa aa Leza abo batazi kuvunyungula aali *eci* a kuvunyungula aali *eco*.

⁷⁵ "Ndi lizi oko Nkwe unka. Elyo uta kanani kuli ndime kujatikizya nkuko. Ko jatilila buyo kuyoya kwako. Muta soli ku ndityokede, nkaambo tacika gwasyi pe."

⁷⁶ Oh, ikuti na bantu bakombelwa bayooba buyo a camba eco cinji!

⁷⁷ "Oh, mazuba aa maleele akainda. Eco tii cakali cini. Amu langilile, muyo ciswa alubo."

⁷⁸ "Ko jatilila buyo kuyoya kwako. Uta ndaambili cintu kujatikizya nkuko. Ndili mukweenda. I lubukulusyo lula boola. Leza waka cisyomezya" Oh, nywebo no bana ba Leza, amuzwe mu mweenya oyo kutala, mutayoowi. Muta yoowi! Amubweze Leza ku Ijwi Lyakwe.

⁷⁹ “Ndi lizi uyo—uyo tolwa. Pele eco tacili ncico Nce . . . To jisi cintu awa ca kundi bombya. Oonse madigri anu a ma Ph.D., a Digrii taanzi lya Lwiiyo, a zintu ezi zyoonse, ta cindi kkutyi. Ko jatilila buyo kuyoya kwako.”

“Ee, yebo unka kukusekelezya okuya.”

⁸⁰ “Ee, ikuti na Nda sekelezyaa, andi sekelezyee. Ndili mu lweendo lwangu.” Kuyabuya, wa kali kuunka.

“To konzyi kucibamba kwindilila.”

⁸¹ “Ndi lizi Nse konzyi ku cibamba kwiindilila, pele Leza uyo nditola kokuya,” wa kaamba.

“Ee, Elisha uyo unka ku Jordano.”

“Ndi inka a nguwe.”

Leza uyanda Jordano mu buumi boonse.

⁸² Aboobo, Elisha wakanyona. Kati, “Lino, Elisha . . .” Eliya wakaambila Elisha, “Uli mwaalumi mukubusyi buyo,” antela cintucimwi mbuli ceeci, “alimwi ncobeni toka jisi kwiyya kumwi.” I musinsimi mudaala wakali kusola ku musoleka. Wa kati, “Uli mwaalumi buyo mukubusyi. Tona kuba akuyiisya maningi. Baa, to citi . . . Cili, kasimpe, tona jisi lwiiyo lwa ku cikolo lwabwaambe bwa mabala. Cintu biyo ncozyi kucita ni nzila ya kulima. Aboobo ncibotu wa kkala awa, alimwi ndiza inga wa jana Digrii lyako taanzi lya Arti. Mwabona? Ncibotu wa kkala a kubweza digrii lyako.”

⁸³ Pele kutali Elisha, kutali muntu oyo waka guma Leza lomwe, wakamvwa Nguzu ezyo zya bunanike ali nguwe. Wa kati, “Mbali Mwami mbwa pona, nkabela buntu bwako tabufwi, Nse kamusiyi.” Wa kajisi bukanze. Wa kabona cilengaano. Uli zyi eco cakali kuyo citika.

⁸⁴ Elyo bobilo baka selemukila ku Jordano. *Jordano* caamba “lufu.” Mbaabo baliumvwi, mudaala a mwaalumi mukubusyi. Ci iminina ncobeni Kristo a Mbungano Yakwe. Elyo mbaabo bakaima, kumbali lya Jordano. Ngooyo mbwabede, kaselemuka kuzwa ku zilundu zya Juda, masena mapati a kuvuuma mbuli boobo. Elyo Elisha, a masusu akwe aamvwi kalengelela kusule lyakwe, a meso akwe mamiini aakasiya kaalangide kulanduka Jordano . . . Elyo mwaalumi mukubusyi kalangilila bweende boonse obo mbwa kabamba. Umwi, mwaalumi mukubusyi, wakali kulindila cilengaano, ku kuzwidilizya luyando lwa Leza. I umwi umbi wakali kuya ku Muunzi. Bobilo bakali ku Jordano. Elisha, kuli nguwe . . . Walo uunka ku Muunzi.

⁸⁵ Elisha waka jisi buumi bulula. Oyo mwanakazi mukambausi kumusanza okuya waka mupa nzila njumu ya kuunka, Jezebele a Ahabu. Elyo mabwe a zyoonse nzya kaindamo! Elisha wakali kuya bukatala. Elyo wa kalizi kuti wakalwana nkondo mbotu, alimwi waka manizya lweendo. Kulanduka buyo mbali ya Jordano yakwe yaka bikkidwe.

Pele Elisha wakali kulangilila Muuya oyo wakali aali nguwe.

⁸⁶ Aboobo, ikuti na mwalangisya, musyomi oonse, cindi waboola ku busena oko nkoelede kusambala, uya kumvwa mayuwe atontola aku Jordano kauma ku matende aako. Sa uunka kulanduka, na embo na? *Jordano* kwalo “kwandaanisigwa,” kupambula.

⁸⁷ Elyo kaimvwi kaindi aa cilundu bakali bakambausi aba, nekubaboobo, kaboongolola kuli Elisha, “Yebo ncibotu uta zabuki. Uya kwiindilila buya.” Ko kumvwa, kwamba, nekuba, sunu.

⁸⁸ Ee, Elisha wakati, “Ikuti na Leza ngu Leza, nkabela oyo musinsimi Wakwe, Nde elede kubweza busena bwakwe, alimwi Ndi yandikana muuya wakwe kucicita anguwo, Nse yandikani cikolo cabu. Ikuti na cikolo cabu nicaka cicita, niba katola busena bwakwe. Pele Leza waka ndiita kucicita, alimwi Ndi yandikana muuya wakwe.”

⁸⁹ Ikuti na zikolo zya mambungano nizya kabweza busena, a Nguzu ezyo Jesu nzya katuula, niba kacibweza, myaka yakainda; Methodisti, Baptisti, Katolika, Presbyteria. Pele tacika cicita.

⁹⁰ Tola Muuya wa Jesu Kristo! Elyo moyo zabuka Jordano, wa tubungwe toonse kunze lya nguwo, zintuzyonse zimbi, a kwiima tolikke a Leza.

⁹¹ Aboobo, wa kaima a nguwe ku Jordano. Elisha wakalanga mujulu okuya, mukuziba, kubusenabumwi kulanduka okuya, Leza wakali kuyo muswaana. Elyo wa kasamununa cikobela cakwe, nkabela wa kalanga koonse ku mwaalumi mukubusyi. Elyo wa kauma Jordano. Elyo cindi na kacita, Jordano waka juka. Elyo bakeenda atala, aa nyika njumu.

⁹² Mwabona, Jordano tali mucimo cibyaabi loko, nekubaboobo, ikuti na kuli Cintucimwi a nduwe kujula nzila.

⁹³ Oh, cindi niba kauma lubazu lumbi! Ku zibelesyo ku citeo coonse yakali mbizi a nkalaki. I Mwaami wa bami wakatuma sikusindikila kuleta Eliya kutala ku Muunzi. Kwa kali koonse, kuli Eliya. Wa kajisi kunji kwa ncico, kutandila myaka ili makumi ali lusele aimwi, ya kukwankana a bantu kunselelo okuya, a kuba a... kwinda mu nzala a nzwango, azintu zyonse zimbi. Wa kali libambilide kuya ku Muunzi. Elyo wa kalanga koonse kuli Elisha.

⁹⁴ Elyo Elisha wakali kuyanda kubona cilengaano. Oh, wa kajisi kwiiya koonse, kaindi kuya na kaima. Tii bakali kuya kuli koonse. Leza wakali kuyo muyiisya nzila Yakwe mwini. Aboobo cindi nakalanga okuya, kalanga, zyoonse—zyoonse ziteo kazibikkidwe koonse okuya, ezi nkalaki zya Mulilo a mbizi zya Mulilo, zya kacita cintucimwi kuli Elisha. Wa kabona cilengaano. Iiyi, mukwesu!

⁹⁵ Elyo cindi Leza nakatola Eliya, wa kajoka a cibeela cabubili ca Muuya wakwe. Wa kali libambilide ku lubukulusyo mpawo.

⁹⁶ Amubone mwaalumi mpawo, kububa buyo sikulima kale. Leza wakabamba zina lyakwe kutafwa. Basinsimi boonse abo bakaima koonse, kaba mulangilila, kacita kufugama ku matende akwe nkaambo wa kajisi Nguzu zya Leza ali nguwe.

⁹⁷ Kuboola oora cindi Leza nayo bamba inyika kukotamina ku matende aa baalumi a banakazi oyo wadumpukila mukati a kuzabuka Jordano, a kwaandaanya cintu . . . selfu, kuzwa ku zintu zya inyika. Mukwesu a mucizi, sunumasiku, kufumbwa nco cita, kufumbwa nco yeeya, kozabuka Jordano a Leza. Kozumanana okuya a kupambula, kusiya inyika kusule. Lekela Leza aku citisyé ku mulimo Wakwe wini. Tu pona mu buzuba kakutanaba lubukulusyo olu, pele Leza ula lingula, kusola kujana myoyo.

⁹⁸ Amulange. Wa kajana muntu wa zina lya Paulo, oh, Mufarisi sikulibanda mwini. Pele Wa kacita kumu belekela okuya, mbuli, katana konzya kuba sikwiya. Amulange eco Nca kacita, muciindi coonse ca makkalo, ku bantu. Wa kacita kubabweza a ku guja Iwiiyo Iwabo Iwabukombi kuzwa kuli mbabo. Elyo Paulo, mbwa kabonena buyo cilengaano, ta kaunka kutala ku Jerusalemu, kuli Gamaliyeli, mwiyi mupati, mupati maningi mu Israyeli, oyo ngwa kayiisigwa. Ta kajokela kuli nguwe, kuyo mubuzya. Baa, ta kaunka akwalo ku Jerusalemu, kwa myaka ili kkumi ayone yakainda. Pele wa kaselemukila ku Egepita, mu muswaangano wa mipailo. Elyo mpaawo Leza waka mulekela kulemba Mabbuku manji aa Cizuminano Cipyä. Mwabona? Leza ulangila bantu. Wa kajisi muntuumwi Ngwa kali kuyanda kulemba Cizuminano eco, aboobo Wa kasala buyo Paulo. Elyo Wa kagusya buyo Iwiiyo Iwakwe loonse Iwabukombi kuzwa kuli nguwe. Elyo Paulo wakati wa kacita kuluba koonse nkwa kasola kuziba, kwiiya Kristo.

⁹⁹ Leza sunu uli mukusola kusukumuna nyika kuzwa kuli ndiswe, a kutugwisya tobeni, a kuba baalumi a banakazi batayoo wi abo bayanda Leza, nkabela bayo kkala a Leza, alimwi uyo zabuka muncali wa kwaandanya, Jordano, oyo Ngwa konzya kutu belesya nkambo ka bulemu Bwakwe.

¹⁰⁰ Eli nde oora Nde yanda kuti tuyeeye canguzu. Elyo ikuti na tona kosola busena obu, ikuti na tona boola kukosola mundando oyu, awo mpo caamba kuti, "Ee, baama bakali kuzulilwa ku mbungano imwi." Eco cili kabotu. Eco ta citoli busena bwako. Mwabona?

¹⁰¹ Leza ulaita baalumi a banakazi, sunu, ku bbuwa lya nkondo. Ta baiti ku Gilgo, naanka kuti Walo ubaita ku Jeriko, na Betele. Ngu . . . Bayo nyonyooka. Pele Ula baita kuzabuka Jordano, kutegwa Ako nzye ku kugwisya mu cikolo ca Nguzu Zyakwe Mwini, a ku kubamba a ku kubamba.

¹⁰² Amulange eco Nca cita mpoonya awa lino, kutuma Muuya wa Mwana Wakwe. Walo ucita zitondezyo a zigambyo a maleele, ezyo inyika nzo ya tabona myaka ili zyuulu zyobilo zyamamanino. I inyika yasayaansi ya jata cifoto ca Nguwo, Musumpululu wa Mulilo, Angelo wa Mwami. Cila lengelela mu Washington, DC, sunumasiku, wa hoolo ya artisi, Cilenge cilikke ciindakugambya cakasolwa kutondezegwa munzila yasayaansi kuti cakafotolwa. Ula bikka nzyoonya zitondezyo a zigambyo Zyakwe.

¹⁰³ Ino ncinzi? Nkuzabuka Jordano. Koba olikke a Leza. Bikka mu bbila Lyakwe Mwini lya mayubilo. Kotanta a vwili lya Mubumbi Simalela mupati a ku Mu lekela ku kubumba. Sunumasiku, kuciindi notuli mu mupailo, kuciindi notu boola ku busena obo, koli bikka lwako moonya mu vwili Lyakwe, a kwaamba, “Mwami, mpaawa Mpendi. Kondi bumba aku ndipanga mbuli ciyanza Cako Cini.” Elyo Leza uyo cicita.

¹⁰⁴ Kuciindi notu kotamika mitwe yesu asyoonto buyo ku ijwi lya mupailo. Kakutanaba buyo mupailo, Ndi yanda kubuzya mubuzyo oyu ku bantu mukati aanze. Mbangaye omuno cakusiniza banga bayanda kuunka a Jesu kunselelo ku Jordano, sunumasiku, elyo okuya kulanduka okuya oko nko konzya kubona cilengaano a kubona eco Leza ncaamba ncobeni? Sa inga watambika maanza ako? Lezaaku longezye. Langa buyo! Ndi yeeyela kuti kuli maanza ali myaanda yobilo mu buyake, mujulu. Kuselemukila ku Jordano, kutali kunselelo ku seminari. Elisha wakainda ncobeni kuli ceeco.

Ba kati, “Lindila awa.”

¹⁰⁵ Wa kati, “Nse yandi kucita. Oko nkubambwa aamuntu.” Aah, taci kazimwi nyota ya muntu uufwanyota ya Leza. Taakwe luzibo lwa seminari, taakwe—taakwe madigri aa arti, na zimwi zimbi, tazi kakonzyi, kutasola nyota eyo, mane wa kanywa kuzwa ku Kasensa aako ka Buumi.

Nywebo nomwa tambika maanza anu, amukombe a ndime lino.

¹⁰⁶ Oyandwa Leza, mu maminiti aya masyoonto aa kuswaangana, baalumi a banakazi kabaimvwi koonse ku bwaanda, balombe a basimbi; elyo aanze, kuyaama ku mpulungwido; kupya. Pele nekubaboobo kuli cintucimwi muli mbabo, eco Neo kajata kuswiilila kwabo, nape niba keenda kuzwa. Niba takaimikila alya mbuli boobo.

¹⁰⁷ Mwami Leza, nkaambo balizi kuti mbantunsi buyo. Alimwi mbuli mbo tubala mu mutende oo umwi wakali waba meya besu ulemekwa waka swiilila ku Muleli utobela kakanana, wa katolwa. Aumbi ku musobano wa bbola, busiku bumwi, muntu uuzizilwe, wakainka cakufwambaana. Elyo myuuya yabo ili kubusena bumwi sunumasiku. Leza, eyo iyooba nzila yesu

buzubabumwi. Ndiza kutali mu ciyanza nciconya, pele tweelede kuunka.

¹⁰⁸ Elyo kulekela bantu kuboola kuli lwabo a kumvwisywa kuti kuzulilwa buyo ku mbungano tacili ceeeo Nco yanda. Mu yanda bantu kuzuzigwa a Muuya, wakazyalwa, kazyulwa, kaumpwa a Muuya Uusalala, ka simbwa, bantu abo bakalanduka mundando, bantu bakaitwa aa Leza. Elyo tula syoma kuti Uyo tuma lubukulusyo olo Billy Graham a bamwi banji nzoba kombela. Cindi Wa konzya kugwisywa bantu kuli lwabo, kuzwa ku cikolo cabu ca lwiyo lwabukombi, kuzwa ku nzila zyabo zya kulibanda, baalumi batayoowi, bantu ba—ba ciimo a Nduwe, abo ba Ku syoma aku Ku bweza ku Ijwi Lyako.

¹⁰⁹ Leza, akube kuti bunji bwabo baime calino, abo bayoopa koonse oko nko bajisi ku Mwami Jesu, a kwaabwa ku inyika, kuzumanana kwinda Jigalo, busena bwa kulyaambilila a matalikila a Banakristo. Kozumanana kwiindilila cikolo ca basinsimi abo bakakkala kusule okuya a lwiyo lwabo lwabukombi. Kozumanana kuya ku Jordano, ku cilengaano cijukide cindi niba kali kuzabuka, kujana kuti Leza muumi ucipona.

¹¹⁰ Kumane tu jana musinsimi oyu kalangide koonse kuli nguwe, alimwi kwakali abo Baangelo mbabonya ba Mulilo, a nkalaki, kuselemukila ku Dotani, buzuba bumwi.

¹¹¹ Yebo ucili waano sunumasiku, Mwami. Koita baalumi Bako, koita banakazi Bako, balombe Bako, basimbi Bako, Mwami. Koamba luumuno ku myoyo yabo a kubalekela kulanduka, kwiindilila zintu zya inyika. Nkambo twa cilomba mu Zina lyu Jesu a ku kaambo Kakwe. Ameni.

¹¹² Ndi yanda kwiimba boobo asyoonto buyo, cabutontozi loko mu kukomba.

Koba a nzila Yako Omwini, Mwami!
 Koba a nzila Yako Omwini!
 Jatilila ku buntu bwangu
 Cimaninizyo ndyoonya!
 Kondi bumba akundi bamba
 Mbuli luyando Lwako,
 Kuciindi Ne lindila,
 Cakulipa akuumuna.

Boonse antoomwe lino, mu nzila ya kukomba.

Koba a nzila Yako Omwini . . .

Lino kolituula lwako ku lwiimbo olo, ku lwiimbo olo, kuli Leza.

Koba a nzila Yako Omwini!
 Jatilila ku buntu bwangu
 Kuzumbaanisigwa ncobeni!
 Kondi bumba akundi bamba
 Mbuli luyando Lwako,
 Kuciindi Ne lindila,
 Cakulipa akuumuna.

¹¹³ Cabuumuzi lino, mu kukomba lino. Muta langi koonse, amulange buyo kuli Leza.

Koba a nzila Yako Omwini . . .

Ko cikanza ncobeni.

Koba a Nzila Yako Omwini!
 Nduwe Mubumbi;
 Ndili bulongo.
 Kondo bumba akundi bamba
 Mbuli luyando Lwako,
 Kuciindi Ne lindila,
 Cakulipa akuumuna.

¹¹⁴ Nda syoma inga caba cibotu loko. Mula yanda kukomba? Mulumbe wagola lino. Atu kombe buyo, aniiini, a mitwe yesu kiikoteme, lwiimbo olo alubo. Ko caamba kuzwa ku moyo wako.

Koba a Yako . . .
 Koba a nzila Yako Omwini!
 Nduwe Mubumbi;
 Ndili bulongo.
 Kondi bumba akundi bamba
 Mbuli luyando Lwako,
 Kuciindi Ne lindila,
 Cakulindila akuumuna.

¹¹⁵ Mwami, kopa eci: Akube kuti umwi aumwi, kuzwa ku bana aba baniini kuya ku mudaala a mwanakazi mu Busyu bwa Buleza, akube kuti Muuya Uusalala ubeleke buyo lino ku lusyomo lwabo a kugusya kuzumbaunya koonse, koonse kukakilwa kuniini, alimwi akube kuti ba bumbwa mbuli luyando Lwako. Kuciindi nobali ku vwili Lyako pati lyakubumbwa, twa bikka buntu bwesu ku kutuulwa, kukomwa. Ko cipa, O Leza, mu Zina lya Jesu, Mwana Wako. Ameni.

¹¹⁶ Nda ciyanda buyo eci. Embo na? Kulimvwa buyo cabutontozi Muuya Uusalala. Oh, kumane Mulumbe ugalankene, elyo mpawo buboto obo bwa Muuya Uusalala! Ula boola kwiinda ku Ijwi. Ndiyo imba kampango ka ceeco, na kucisola.

Alo asweka bulowa, iyi, alo asweka bulowa,
 Aya Makanimabotu aa Muuya Uusalala, alo
 asweka bulowa,

I bulowa bwa basikwiiya abo bakafwida
 Bwini,
 Aya Makanimabotu aa Muuya Uusalala
 asweka bulowa.

I mutaanzi kufwida bukanze bwa Muuya
 Uusalala,
 Wakali Johane Mubapatizi, pele wa kafwa
 mbuli muntu;
 Mpawo kwa kaboola Mwami Jesu, baka Mu
 bambula,
 Wa kakambauka kuti Muuya uyo futula bantu
 kuzwa ku cibi.

Ngooyo Petro a Paulo, a Johane sibuleza,
 Ba kapa maumi abo kutegwa Makanimabotu
 aya akonzye kumweka;
 Ba kasanganya bulowa bwabo, mbuli
 basinsimi bakale,
 Kutegwa Ijwi lya bwini ilya Leza inga
 lyaambwa cakusyomeka.

Mpawo bakauma Stefano a mabwe, wa
 kakambauka kulwana zibi,
 Wa kabapa kunyema maningi, bakakumpula
 mutwe wakwe;
 Pele wa kafwa mu Muuya, wa kafwa,
 Elyo wakainka kuyo sangana bamwi, cilawo ca
 bantu cipa buumi.

I myuuya kensi lya cipaililo, ila lila, “Ciindi
 cilamfu buti?”

Ku Mwami kusubula boonse abo bakalubila;
 Pele kuyooba bambi bayo pa bulowa bwabo
 bwa buumi

Nkambo aya Makani mabotu aa Muuya
 Uusalala a kukunka kwa Ngawo
 kusubilapyu.

Boonse antoomwe lino.

Alo asweka bulowa, iyi, alo asweka bulowa,
 Aya Makanimabotu aa Muuya Uusalala, alo
 asweka bulowa,
 I bulowa bwa basikwiiya abo bakafwida
 Bwini,
 Aya Makanimabotu aa Muuya Uusalala
 asweka bulowa.

¹¹⁷ Ino bakali bani? Baalumi abo Leza mba kayiisya a kwiita. [Kabeela katakwecintu aa teepu—Mul.] Mbobuti Leza mbwa konzya kusola kubelesya mukandu kubikka Ijwi Lyakwe mukati? Walo uyoowa. Nke kaambo taakwe ncobazi kujatikizya Ndilyo. Bantu bata yoowi, abo Leza mba kapalulwa ku

Muuya Uusalala, Leza ulapona mukati. Inga wa namatika buyo bulowa bwakwe cakufwambaana mbuli kutali, bumboni bwakwe kubelesya bulowa bwakwe; takwe ndaba. Ngu Kristo oyo ngwa pona. “Nkambo mebo kupona ngu Kristo, a kufwa ni mpindu.” Eyo nje nzila mbo balimvwa kujatikizya ncico. Ameni.

¹¹⁸ Lino nciindi ca mundando wa mipailo. Elyo mundando wa mipailo mutaanzi, kutandila buyo makumi obile kuzwa eiti. Pele tu yanda kukombela bantu. Elyo Ndi yanda ndinywe lino, eci... Kukambauka koonse nko tukonzya kucita inga tii—kutali kweezyanisa a Ijwi lyomwe lyakaambwa kuzwa kuli Leza Mwini.

¹¹⁹ Lino kutalika mundando wa mipailo, oyo, ngo twa kasyomezya ku kombela boonse. Kuti tuyo cita, Leza nawayanda. Swebo, busiku abumwi, twa vozya makkaadi aa mipailo. Elyo kwaamba, muli ceeci, kuti... Busiku abumwi inga twaita nkamu kuzwa omuya, ku kutweluka. Pele bantu, mpawo, bamwi babo bakali kunga bazwa busiku obo. Inga twaba a muswaangano mupati, nkabela Muuya inga wawa, a bantu inga bazwa. Elyo busiku bwakatobela twa keelede kupa kunji.

¹²⁰ Elyo ikuti na Nse lubizya, sa Nse langide ku Fannie Wilson kaimvwi kusule okuya? [Mucizi Wilson waamba, “Mbo mbubo.”—Mul.] Nda yeeya kubweza mwanakazi oyo, kutandila kkumi aciloba... Oh, kwiinda ceeco, kutandila makumi obilo-... [“1932.”] 1932, mukufwa, a TB, a dokotela wa dolopo eli waka mulanza meso. Elyo waa kajisi kuzwa malowa kusikila ngubo a zintuzyonse zyakali kuteta ku bulowa. Mulumi wakwe a mwana musimbi wakasika a kundi bweza, cifumo cimwi. Kaunka okuya a kwiitila kuli nguwe, Zina lya Mwami Jesu. Elyo kutandila mazuba masyoonto akainda, mu ciindi ca mapeyo, Nda kamu bbizya mu Zina lya Mwami Jesu, ku mulonga. Elyo waa kaselemuka mugwagwa, kusule lya traki mpati ya ng’ombe, kuteta mbuli mbwa kali kukonzya kuba. Walo ucipona sunumasiku, nkaambo Kristo waka cicita. Ciindi citaanzi Nda kamubona mu myaka minji. Kulanga koonse ku bbunga, ku cibona.

¹²¹ Leza ucipona. Mbo mbubo. Elyo Wa kati, “Nkaambo Nda pona, inga mwaponia anywebo.”

¹²² Lino Ndi yanda ku, kubaanga buyo busena kuli ndinywe obo mbo cibede, nkaambo, ikuti na Nse citi, nkokuti inga mwazwa a kwaamba, “Ee, Nse cimvwisyi eco.”

¹²³ Lino, muzundano wangu uli boobu, kuti, “Jesu Kristo ucili mbobuca nguwenya, sunu, amuya myaaka.” Lino, ikuti na Ngu mbobuca, We elede kuba mbubonya mu milao yoonse, mbubonya mu—mu nguzu, mbubonya mu bukozu, mbubonya mu zintuzyonse Mbwa kabede.

¹²⁴ Elyo cindi aa nyika awa, kwakali ba Griki bamwi, ciindi cimwi, oyo wakasika a kuti, "Nobaalumi, tu yanda kubona Jesu."

¹²⁵ Elyo Nda syoma kuti oko nko kuyandisya kwa mwaalumi a mwanakazi oonse oyo wakasola kumvwa kwa Jesu, uyanda ku Mu bona. Elyo ikuti na Tali nguwenya, nkokuti tatu konzyi ku Mu bona. Pele ikuti na Ngu mbobuca, tula konzya ku Mu bona, na Wa kaamba cintucimwi cilubide. "Nekubaboobo kaindi kaniini, nkabela inyika taika Ndi boni limbi, nekubaboobo muyo Ndi bona, nkambo Mebo," bbala lyaamba mugame, "Njo oba a ndinywe, akwalo muli ndinywe kusika ku mamanino aa bukkalo" Elyo mpawo Jesu wakasyomezya kuba mu Mbungano Yakwe, kucita zintu nzyoonya Nzya kacita kaindi, kusikila bukkalo bwakamana. Lino, Wa kati, "Ii kaindi kaniini," inyika taika Mu boni limbi. Ee, mpawo, mbobutu mbo tunga twa Mu bona? Inga tweelede kubona Muuya Wakwe, ikuti na Uli muli ndiswe, alimwi oyo Muuya inga weelete kucita nciconya eco Nca kacita kaindi, naape inga Tii waba Muuya nguwenya.

¹²⁶ "Ndili Musaansa, nywebo muli mitabi." Elyo ikuti na twa zyala... Ikuti na mutabi uli mu Musaansa, mutabi uyo zyala musyobo wa mucelo oyo Musaansa ngwa zyala kuli nguwo. Ee, Musaansa mutaanzi wakayutuka... I mutabi mutaanzi oyo wakazwa mu Musaansa wakali mutabi wa pentekoste; zilengaano, inguzu, kuponesegwa, lubbizyo lwa Muuya Uusalala, zitondezyo a zigambyo zipati. I mutabi utobelua uyo elela kuba musyobo nguwenya wa mutabi. Kuyabuya ku mamanino, uyooba nguwonya. Obo Jesu mbwa kaamba.

¹²⁷ Lino, atu bone obo Mbwa kabede jilo. Ikuti na twa konzya kujana obo Mbwa kabede jilo... Lino, Ndi bweza iidabula, nkaambo ka ciindi; kwiinka kuyopa maminiti atandila kuli osanwe aa malailile. Elyo ikuti na twa konzya kubona obo Mbwa kabede jilo, mpawo inga twa bona obo Mbwa bede sunu, alimwi uyooba myaaka. Sa oko kuli kabotu kwini?

¹²⁸ Lino, cindi Na kali ano aa nyika, Wa kaboola mbuli Mesiya, waka bapatizingwa a Johane Mubapatizi; takalina cita milimo. Elyo Wa kanjila mulimo Wakwe mutaanzi. Nguni Ngwa katuminwa? Iba Juda.

¹²⁹ Lino, tula mvwisya kuti kuli biyo basicisi botatwe ba bantu mu inyika, mba: Juda, Bamasi, a Basamaria; uuli ngu bantu ba Hamu, Shemu, a Jafeti. Juda, Munamasi, a Samariya.

¹³⁰ Mula yeeya? Petro waka baita, a zijaluzyo zyaku Bwami, aa Buzuba bwa Pentekoste, kuba Juda. "Amweempwa, umwi aumwi wanu, aku bbizigwa mu Zina lya Jesu Kristo."

¹³¹ Filipo wakaunka kunselelo akuyo kambauka kubana Samaria. Boonse baka syoma a kweempwa, alimwi baka bapatizingwa mu Zina lya Jesu Kristo. Biyo, Muuya Uusalala tii wakalina boola ali mbabo. Petro waka jisi zижaluzyo. Wa

kaselemuka a kubikka maanza ali mbabo, nkabela baka tambula Muuya Uusalala.

¹³² Elyo mpawo Koneliyo, Munamasi, waka jisi cilengaano, kuti wa keelede kutuma a kujana muntu uutegwa Petro, Simoni Petro, oyo wakali kukkanla mu ng'anda ya muntu oyo wakali mugelo. Elyo cindi Petro nakasika okuya, "Kuciindi Petro nakacili kwaamba Majwi aya, Muuya Uusalala waka bawida." Mpawo Petro wakati, "Sa muntu inga wakasya maanzi? Aba batambula Muuya Uusalala mbuli mbo tu Ujisi ku matalikilo." Onse mutabi kuyutuka mbubonya buyo. Mwabona?

¹³³ Lino, cindi Jesu naka swaana... Lino, Ta kaboola kuli Bamasi. Mbangaye bazi boob? Ula kasya basikwiya Bakwe kuunka kuli Bamasi bali boonse. Mbangaye bazi obo? "Muta nzila mu nzila ya Bamasi, pele kamuya kwalo ku mbelele zisweekede izya Israyeli. Elyo mbuli mbo muya, kukambauka, kwaamba, 'I Bwami bwaku Julu buli afwaafwi,' ku mbelele zisweekede izya Israyeli."

¹³⁴ Lino, nguni wakali ku Mu langila kuboola mu buzuba obo? Kutali Bamasi; twa kali bahedeni, Anglo-Saxoni. Twa kali ba Roma, katukomba zuba azimwi zimbi. Tii twakali kulangila Mesiya uuli oonse, pele ba Juda aba Samariya mbo bakabede. Lino, mbobuti Mbwa kalitondezya Mwini ku bantu abo bakali ku Mu langila?

¹³⁵ Atu jokele lino ku Musalali Johane, chipati 1, alimwi asyonto buyo lino. Elyo amuswiilile kabotu.

¹³⁶ I mu Juda mutaanzi wakasola kulelwa kuli Nguwe, cindi Filipo na... Andreyo wakasanduka, a kuunka a kujana munyina, Simooni Petro, wa kaleta Simooni kunembo lya Jesu. Elyo Jesu waka mwaambilila zina lyakwe mbo lyakabede, a kuti bawisi bakali bani. Mbangaye bazi obo? Ino muyeeya kuti eco cakacitwa ku muntu oyo, kumane kuti inga caba a zjaluzyo zyaku Bwami mu janza lyakwe? Obo Mbwa kalitondezya Mwini kuba, Mesiya.

¹³⁷ Cakufwambaana, mpawo, Filipo wakasanduka, a kuunka a kujana Nataniyeli. Ayo mamaile ali makumi otatwe kuzunguluka mulundu. Elyo wa kaboola ku ng'anda, nkabela Nda konzya kumumvwa kati, "Oh, Muka. Nataniyeli, uli kuli Nataniyeli?"

"Oh, uli mu i—mu muunda wa olifa."

¹³⁸ Kazuzila kubusena okuya cakubinda loko, "Nataniyeli, ino uli kuli?" Elyo wa kamujana kunsi lya samu. Elyo Nataniyeli wakali kupaila. Elyo wa kalindila mane wa kamanizya kupaila. Elyo wa kati, kutali, "Wapona buti, Nataniyeli? Mbobuti zisyango mbo zicita?" Oh, wa kajisi mulumbe! Eyo nje nzila muntu waka swaana Jesu mbwa kacita. Ta jisi ciindi ca bufubafuba. Wa kati, "Bool, ubone Oyo ngo twa jana, Jesu waku Nazareta, mwana wa Josefa!"

¹³⁹ Elyo lino inga Nda bona Nataniyeli kasindamuna zisani zyakwe, kuzwa ku mupailo. Wa kati, “Lino, Filipo, Nda kuziba kuti uli muntu mubotu, a muntu uusyomeka. Lino, sa inga kwaba cintu cibotu cili coonse cizwa mu Nazareta? Ee, nywebo mulizi, ikuti na Mesiya uyo boola, Uyo boola ku Jerusalema, kwiinda mu mbungano.” Eco ncencico bantu ncoba yeeya sunu. Mwabona? “Uyo boola kwiinda mu Jerusalemu. Kayafasi taka caambilizya ku muswaangano wamanino. Aboobo, taakwe basilwiyo lwabukombi waka caambilizya. Aboobo Nda kuziba kuti uli muntu uusyomeka. Sena wakazwa kumamanino malamfu?”

“Oh, peepe. Ko boola umvwisyey.”

Wa kati, “Sa inga cimwi cibotu . . .”

¹⁴⁰ Wa kamupa bwiinguzi bubotu maningi muntu uli oonse mbwa kakonzya, kati, “Bool, uzoli bonene omwini.”

¹⁴¹ Lino, mu lweendo kuzunguluka, Nda konzya kumvwa Nataniyeli kati . . . na Filipo wakaambila Nataniyeli, “Nywebo mulizi cintu na? Mula yeeya oyo muzeli mudaala kumusanza okuya watakali kukonzya akwalo kusaina risiiti eyo cindi wa mupa oyo, wakaula nswi kuzwa kuli nguwe?”

“Iiyi. Nda syoma zina lyakwe wakali Simooni.”

“Iiyi, nce ncico.”

¹⁴² “Nda kamuleta, buzuba bumwi, kumbele lya Mesiya oyo, elyo Mbwa ka mu bona buyo, Wa kati, ‘Zina lyako ngu Simooni. Zina lya bauso ngu Jonasi.’ Elyo Nda . . . Inga nsegambwa, pele cindi waboola kumbele Lyakwe, Inga ta kwaambila kuti nduweni.”

Wa kati, “Aah, lino, lindila aniini, kutali ndime.”

¹⁴³ Aboobo, buzuba bwakatobelba bakasika. Elyo Jesu wakali mu mundando wa mipailo, mbuli lyoonse, kakombela balwazi, elyo cindi Walo, nakakonzya kuboola a kuzwa kuya mu bbunga, Jesu wakalanga mujulu, nkabela Wa kabona Filipo kaboola, kaleta muntu kutala kwiinda mu kazila. Elyo Wa kamulanga, nkabela Wa kati, “Amubone mu Israyeli muli nguwe mutakwe luuni.”

¹⁴⁴ Eyo Njiisyio igambya? Oyo wakali Jesu, ijilo. Oyo ngu Jesu, sunu, ikuti na Ngu mbobuca.

¹⁴⁵ Elyo muntu oyo wakaima. Nda konzya kubona Nataniyeli, uh, Filipo waka muumauma, kwaamba, “Ino Nda kwaambila nzi? Ino Nda kwaambila nzi?”

¹⁴⁶ Wa kati, “Rabi,” lyaamba *mwiyi*, na kufumbwa mbo tunga twa mwiita sunu, nywebo mulizi. Ncobeni, bbala lyaci Hebrayo liluleme, lyaamba *mwiyi*. Kati, “Rabi, ndelili Noka sola kundi bona? Mbobuti Mbo ziba cimwi kujatikizya ndime? Nsen Ku bona mu buumi bwangu. Mbobuti Mbo ziba kuti Ndili muna Israyeli? Mbobuti Mbo ziba kuti Ndili luleme, a kusyomeka,

a usyomeka? Tona ndibona, mu buumi Bwako. Mbobuti Mbo ndizi?"

¹⁴⁷ Wa kati, "Katana kwiita Filipo, cindi noli kunsi lya cisamu, Nda kubona," mamaile ali makumi otatwe kuzunguluka mulundu, buzuba kabutanaba. Ino meso!

¹⁴⁸ Lino ino wa kaamba nzi? Wa kati, "Rabi, Uli Mwana wa Leza. Uli Mwaami wa Israyeli." Ikuti na ba Juda bakaziba kuti... Lino amulindile. Oyo wakali mu Juda wakasalwa. Mbangaye basyoma mu kusala? Oh, kuli bantu banji bataka citambuli. Mwabona? Bbaibbele lya kaamba boobo. Pele oyo muntu waka jisi Muuya wa Leza muli nguwe. Elyo wa ka caamba, kati, "Rabi, Üli Mwana wa Leza. Uli Mwaami wa Israyeli."

¹⁴⁹ Pele mpaawo kwakaimvvi basilwiyo lwabukombi ba buzuba obo, bapaizi a bamayi bapati, kaba Mu swiilila. Elyo mulizi eco ncoba kaamba? Ba kati, "Walo musondi. Walo ujisi muuya wa Beezebule ali Nguwe." Jesu... Taakwe noba ka caamba, kumvwika. Peepe, peepe.

¹⁵⁰ Pele Jesu wakanyona a kubalanga. Wa kati, "Inga wa Ndi ita eco a kuta subulwa kuli ncico. Pele kuyo boola ciindi eco Muuya Uusalala nouyo boola, elyo cindi waamba bbala lyomwe lya Mu lwana kacita cintu nciconya, ta kuka lekelelwi mu nyika eyi na nyika iiciza."

¹⁵¹ Aboobo mpawo ino tubeleka nzi? Abo bakali ba Juda. I ba Juda beni ncobeni a basyomeka baka Mu syoma kuba Mesiya.

¹⁵² I bamayi a basilwiyo lwabukombi, bakali nzi? I lunyungu lwa nzoka, mbuli mbo twa kaindamo. Wa kati, "Muli bauso wanu, dyabulosi." Nekubaboobo, bakali basongo, basimaanu maningi, bantu basalala. Tiiba kakaonzya kupusya cikuba... Salala. Tiiba kali kutyola Sabata. Tiiba bakali kulya nyama. Ba kali bantu basalala, pele baakakilwa kubona. Mwabona, ba kayiisigwa a muntu.

Leza ulanyonganya bantu Bakwe, bagalankene. Mbo mbubo. Bantu bakaitwa aa Leza!

¹⁵³ Mpawo buzuba bumwi Uyo—Uyo... Eco ncencico ba Juda ncoba kayeeya. Eyo nje nzila Mbwa kalizibya Mwini kuli ba Juda. Mbangaye bazi kuti olo Ndugwalo? Yaa. Lino, ikuti na Wa kalizibya Mwini kuba Juda, oyo wakali Jesu jilo aba Juda.

¹⁵⁴ "Lino, yebo wat, 'Iba Samaria bakali ku Mu langila kuboola.'" Iiyi, bakali obo, pele kutali Bamasi. Ba Samaria buyo.

¹⁵⁵ Elyo cindi Na kasaanguna kuswaana ba Samaria, Wa kali kuyandikana kwiinda ku Samaria. Elyo Wa kaima, a kutuma basikwiya Bakwe, kuyo ula zyakulya, kutandila twelufu okuloko. Wa kakkala aa mukalo. Mpaawo kwa kaboola mwanakazi, katalika... Lino, tuli muzyi, mu nyika eyi, kuba mwanakazi wa mpuwo mbi, mulindu wamu tugwagwa, nywebo

mulizi, sibwaamu. Elyo aboobo waa kazwa a katalika kulosya bbakete mu mukalo, kuti ateke maanzi. Elyo waa kamvwa Jwi kaliti, "Mwanakazi, ko Ndi letela akunywa." Elyo waa kalanga koonse nkabela mpaawo kwa kakkede mu Juda wamusela waakatikati.

¹⁵⁶ Wa kali biyo makumi otatwe cintucimwi, pele Bbaibbele lyakati Wa kali kulibonya kuba makumi osanwe. Ba kati, "Uli Muntu utaindi ku myaka ili makumi osanwe yakukomena, a kwaamba kuti Wa 'kabona Abrahamu'?"

¹⁵⁷ Wa kati, "Katanaba Abrahamu, Ndime." Mwabona? Kweelede kuti wakali kulibonya mbuli wakaindi nkaambo ka mulimo Wakwe, mubili Wakwe wabantu.

¹⁵⁸ Elyo waa kalanga koonse. Waa kalizi kuti Wa kali mu Juda. Waa kati, "Munene, tacili cilengwa kuli ndinywe noba Juda kulomba ba Samaria zintu zili boobo. Ta tujisi zyakubelekela amwi."

¹⁵⁹ Wa kati, "Mwanakazi, ikuti nolizi kuti Nguni ngo wambawida, nowa Ndi lomba aakunywa. Elyo inga Nda muletelala, kumupa maanzi kuti muta booli kokuno kuzoteka." Ncinzi Nca kali kucita? Kukwaba muuya wakwe. Mwabona? Amulangilile, Uyo litondezey Mwini kubana Samariya, lino.

¹⁶⁰ Elyo waa kati, "Baa, yebo wati, 'Kokomba ku Jerusalema.' Tu lati, 'Mu dundu eli.'"

¹⁶¹ Wa kati, "I ciindi cila boola, elyo lino nkocili, cindi no mutakaciti, mu dundu eli na ku Jerusalema, kukomba Leza, pele mu Muuya a Bwini. I Taata uyandaula bali boobo."

¹⁶² Ino Wa kali kucita nzi? Kujata muuya wakwe. Elyo nikwakainda kaindi, cindi Na kajana awo penzi lyakwe mpo lyakabede... Mbangaye bazi penzi lyakwe mbo lyakabede? Waa kajisi balumi bosanwe, nkabela waa kali kupona antomwe aumwi wacisambomwe. Aboobo, Wa kati, "Mwanakazi, koya kalete mulumi wako muboole okuno."

Waa kati, "Nse jisi mulumi naba omwe."

¹⁶³ Kati, "Mbo mbubo. Uli jisi... kajisi bosanwe, nkabela oyo ngo pona awe lino tali wako."

¹⁶⁴ Waa kaima a ku Mu langa. Lino, ta kaamba kuti, "Nduwe Bezebule, munene. Nduwe musondi." Waa kalizi kunji kujatikizya Leza kwiinda cisela ca bakambausi baku Jeffersonville, mbo mbubo, mukuba muvuule. Waa kati, "Munene, Nda kuziba kuti Uli Musinsimi."

¹⁶⁵ Amulangilile, i "musinsimi." Elyo ikuti na moyo cijosya ijwi eelyo, moyo cijana, Musinsimi oyo Musa ngwa kaamba kuti uyo boola, mwabona, "I Mwami, Leza wanu, uyo busya Musinsimi uli mbuli ndime."

¹⁶⁶ Waa kati, "Nda kuziba kuti Uli musinsimi." Waa kalizi kuti Ta kazi nzila imbi; tako konzya ku ciziba. Kati, "Nda kuziba kuti Uli musinsimi." Lino amuswiilile awa, "Tu . . ." ba Samaria, kutali ba Juda lino, Basamaria, "Tu lizi, cindi Mesiya aboola, Uyo twaambila zintu ezi." Mwabona musyobo wa citondezyo ngo bakali kulangila? I citondezyo ca Mesiya. "Cindi Mesiya aboola, Uyo twaambila zintu ezi, pele ino Nduwe ni?"

Wa kati, "Nde Ndime, oyo ukanaana kuli nduwe."

¹⁶⁷ Elyo waa kalosya nongo yakwe ya maanzi, a kuzuzila mu munzi, a kuti, "Amuboole, mubone Muntu oyo wandaambila zintu ezyo Nze kacita. Sa oyu tali Mesiya?"

¹⁶⁸ Ikuti na eco cakali citondezyo ca Mesiya mpawo, ceelede kuba citondezyo ca Mesiya sunu. Ikuti na Mbwa bede . . . Lino, amuyeeye, taakwe ciindi comwe ayo maleele nakasola kucitwa kumbele lya Munamasi. Aka kasigwa. Nkaambonzi? I Bamasi baka jisi myaka ili zyuulu zyobilo zya lwiyo lwa mbungano.

¹⁶⁹ Pele lino mamanino aa bubanze bwa Bamasi buli waano. Elyo Russia, bana kkomunizimu, bajisi bbomba litondeka nkoonya kuli nduwe, ku ligozya, ayebo. Muta pengi, cila boola. I Bbaibbele lya kaamba boobo. Kuyooba okuno a zina lyako kalilebedwe ali ndilyo, nkabela liyo njila mu busu mu ciindi ca kavwalu komwe, cisi coonse. Liyo nyonyoonwa cakumaninina. Amubone, oyo ngu Leza kacita ceeco. Ndi lizi kuti mbasilubusi basimalelo, balo ni nkamu ya bahedeni. Pele sa Leza taka busya masi aa bahedeni koolola Israyeli mu mazuba akainda? I Bbaibbele litaminina kuti Russia a kkomunizimu ili mukubeleka moonya mu maanza aa Leza, kugwisya nyika cakumaninina ya bantu.

¹⁷⁰ Pele eco kacitana citika, Kukwempwa kwasika a kutola Mbungano ku Muunzi eco kacitana citika. Elyo ikuti na eco cili munsi loko, ino Kukwempwa kuli buti? Munsi loko kwiinda boobo. Aboobo mwabona kaambo nco tuli . . . kaambo nce Ndili muku kambauka nzila Nje cita, kaambo nce Ndili mukupengana canguzu mbuli mbo Ndi konzya; baa Leza ngu zintuzyonse Nzya konzya kucita, kubindaanina ceeco mu Basale, ku gusya Lunyungu lwa mwanakazi, kutegwa lunyungu lwa nzoka lukonzye kubweza cisubulo. Mbo mbubo ncobeni. Nce ncico Nca kasyomezya kucita.

¹⁷¹ Lino, ikuti na Jesu wakalitondezya Mwini kumbele lya mu Juda a kumbele lya mu Samaria, kwiinda ku zitondezyo ezyo, alimwi uyo tulekela kuunka kakutakwe kulungulula citondezyo nciconya kuli ndiswe, Ta lizi, ikuti na Wa tulekela buyo kuta subulwa, ku kwaamba, "Tuli ba Methodisti; tuli ba Baptisti; tuli ba Katolika; tuli ba Presbyteria," peepe, munene, ikuti na Wa tulekela kuta subulwa kwinda ku lwiyo lwabukombi lutontola.

¹⁷² We elede kuboola a zitondezyo, zigambyo, mbuli buyo Mbwa kacita mu busena butaanzi, ikuti na Ngu mbobuca nguwenya,

sunu, amuya myaaka. Twa sika ku buzuba obo. Tuli waano lino. Kwiinda ku Bbaibbele, kwiinda ku bumboni, kwiinda ku Muuya, kwiinda ku sayaansi, zintuzyonse zitondezya kuti nkozili. Oh, Nda... Oh, Nda lombozya ni Nda jisi nguzu zya kutonta eco mu bantu, ku balekela ku cibona.

¹⁷³ Nywebo nobantu okuno mu Jeffersonville muli bantu bangu. Nda kakomezegwa a ndinywe. Elyo Nda—Nda tuyanda. Mutamuta ndiyeyi kuba sikwiindilizya. Mu yeeya kuti kwaambwa oku kwa kumbele? Amulange kaindi ku zambangulwe lya 37, nywebo nobantu, cindi nimwa seka nkoonya okuno ku mbungano. Elyo Nda kati, “Kuyooba tukokola tuli makumi obile ayobile ku Kagwagwa ka Spring,” myeezi ili cisambomwe kacitana citika. Amu ndaambile ciindi cimwi eco kufumbwa cintu nicaka solwa kwaambwa, ca MBUBOOBU MBWAAMBA I MWAMI, obo tii bwakali Bwini ncobeni. Amu ndaambile cintu comwe Nca kasola kwaamba. Ta cili ncico! Bwalo Mbwini, alimwi Bu cili Bwini, alimwi lyoonse Buyooba Bwini.

¹⁷⁴ Lino ta tukonzyi kuleta... Ndi yeeyela kuti kuli bantu bali mwaanda na bainda kuno beeleder ku kombelwa. Ta tukonzyi kubaleta boonse aciindi comwe. Tuyo leta eco nco tukonzya, ku ciindi, elyo mpawo kuzumanana kubaleta mane tuka bajane boonse kuno. Lino Ndiyo talikila mu... Nda syoma... Sa Billy Paul nkwalii? Sena nkwalii kusule okuya? Ko mwaambilila kozwa awa. Ndi yanda kubona cintu, ikuti na wavozya... Wa vozya kkaadi lya mipailo na? [Mukwesu Billy Paul waamba, “Q, wani kusika ku mwaanda.”—Mul.] Q’s, Q, Q. Kkardi lya mupailo Q. Amulange kkaadi lyanu lya mupailo. Li jisi Q. Wani kusika ku mwaanda. Yaa. Ta tukonzyi kubaleta boonse kutala ku ciindi comwe, pele inga twa leta buyo aniihi ku ciindi, kusikila inga twa baleta boonse atala awa. Tu yanda kuti baboole, omwe a omwe, kusikila boonse baka kombelwa.

¹⁷⁵ Lino amulange. Ndi yanda bantubonse, mukati aanze, kuyeyya ceeci. Elyo kujala kwa muswaangano oyu, Ndi tuula mbungano eyi ku mweembeli, Mukwesu Neville, kukutuula kuli nguwe, a nguwe kuli Leza. Mukwesu Neville awa. Njo tambaro nyoonse kusule. Mukwesu Neville ngu silumamba sicamba. Walo mulanda wini wa Kristo. Ii mukambausi wa Methodisti wakaindi, Nda syoma, sicikolo kuzwa ku Asbury, elyo wa kayiisiga muli boonse basilwiiyo lwabukombi, seminari ya lwiiyo lwabukombi, a luzibo lwa ceeco ncoba yiisya. Pele, buzuba bumwi, wa kaboola ku busena oko nkwa kazi kuti wakeelede kuba a cintucimwi candeene, elyo wa kazabuka muncali. Walo mweembeli awa, muntu uuzwide Muuya, mukambausi wini, silwiyo wini lwabukombi. Elyo Nda mubuzya, bantu ba dolopo eli, a mu bukkale obu bwabantu, ikuti na tojisi mbungano, alimwi uyanda kumvwa Makanimabotu eni, boola uswiilile Mukwesu Neville. Ula iminina Cintu nciconya eco Nce cita. Nincobeni, musooja wini sicamba. Toonse swebo, kuno, tula

muyanda Mukwesu Neville. Wa kali kuno andiswe kwa ciindi cilamfu, nkabela tula muyanda.

¹⁷⁶ Lino ikuti na Jesu Kristo, kwiinda ku Muuya, uyo bweeda okuno sunumasiku a kucita zintu nzyoonya kuti Wa kacita cindi Na kali ano aa nyika, ku mu Juda a mu Samaria, Uyo cita cintu nciconya kuli ndinywe Bamasi, mbangaye banu bayo amba, “Ndiyo Mu syoma a moyo wangu oonse a ku cizumina mpoonya awa”? Nsikwe makani ku mbungano nko zulilwa. Eco tacina . . .

¹⁷⁷ Yebo wati, “Sena uyanda kuti ndileka kuya ku mbungano ya Methodisti?” Peepe, munene. “Baptisti?” Peepe, munene.

¹⁷⁸ Kamuya kufumbwa nko muyanda, nkambo Leza uli jisi bana muli amwi mambungano. Nincobeni, Uli jisi. Elyo nywebo, antela, muli bomwe bwabo. Elyo Nda muyanda mbubonya buyo mbuli mbo mwakali cizo ca Branham Tabernacle. Tacibambi kabeela komwe ka lwandaano kuli ndime. Nywebo mulizi obo ku mulimo wangu, koonse. Nda syoma Leza ula bayanda bana Bakwe, takukwe makani na musyobo nzi wa insimbi ngo ba jatilide. Nceeco mbobede mu moyo wako. Pele twa ku tamba buyo ku luswaanano. Uli tambwidwe kuboola.

¹⁷⁹ Lino, kufumbwa mutu ulizi, alimwi nywebo nobantu baku Jeffersonville mulizi, nikwakamana zintu zyoonse zinji zya kaambwa a kucitwa, a kwaamba kumbele, umwi aumwi wabo kaboola kucitika cakulondoka buyo mbuli . . . Mbangaye omuno mu Jeffersonville bazi obo kuba bwini? Amu tambike maanza anu, abo bazi koonse okuno lino. Lino, kuli ndinywe no bantu bata kkali mu dolopo, mwabona eco nce Ndi pandulula? Mbangaye bata kkali mu dolopo abo bakasola kuba mu miswaangano yangu a kubona kuti caka citika mbubonya buyo nzila mbo Ca kaamba? Amu tambike maanza anu, ku bantu baku Jeffersonville. Mwabona? I Bbaibble lyakati, “Ku milomo ya bakamboni bobile na botatwe makani onse azulile.” Koonse ku nyika mbo cakabede. Mpawo ino tu lindila nzi? Tuli jisi zintu zyoonse moonya mu maanza esu, kwiinda ku Mwami Jesu. “Wa katupa zintu zyoonse cabuyo.”

¹⁸⁰ Lino tuyu talika mundando wa mipailo. Elyo ikuti na Jesu Kristo uyo cita awa sunumasiku . . .

¹⁸¹ Lino, mbangaye banu bazi kujatikizya cifoto ca Mwami Jesu, Mumuni oyo? Nyoonse nywebo mulizi kujatikizya Nguwo, muciiimo cini. Cili mu Washington, DC, cakatolwa kwiinda ku mutu mubotu maningi oyo Edgar Hoover ngwa kajisi mu mwaka wakainda, George J. Lacy, aa kudinda kwa mpela zya tunwe aa cipepa. Tuli iijisi signeca yakwe—yakwe mpoonya aa pepa. Kuti, mubwini . . . Wa kati wa kali kuyeeya lumwi kuti lwakali lwiyo lwa kulilemeka kwamizeezo, Nda kali kubala mizeezo ya bantu. Wa kati, “Pele, Ba. Branham, liso lya muncini wa kkamera eyo tali kabwezi lwiyo lwa kulilemeka kwamizeezo.” Kati, “I Mumuni wakauma lensi.” Elyo tuli

cijisi coonse kacilembedwe mu pepa, cizwa anze a cifwanikiso, Mumuni wakauma maleensi.

¹⁸² Mbangaye bacipona, cindi ni Ca kalibonya lutaanzi kumbele ly a mukowa wabantu kunselelo awa ku mulonga, cindi Ne kali kuba bbizy bali myaanda kumusanza okuya buzuba obo? Mu buyake, tambika janza lyako. Kuli maanza otatwe na one, acipona, kuzwa ku myaka yakainda, kunselelo awa aa mulonga cindi Niwa kaseluka, nkabela Mulumbe wa Mwami wakasika. Ucili mbubonya buyo! Sena Wa kacita mbubonya buyo mbo Wa kaamba okuya? Kuti, mulimo Ngwyeo kambauka, inga uyo talika lubukulusyo ku inyika yoonse, kakutanaba buyo Kuboola kwabili kwa Kristo. Amulange eco Neo wacita. Mwabona? Mpaawo kwa kazwa, awo, Oral Roberts a boonse aba bamwi. Mwabona? Elyo kuzunguluka inyika ca kaunka, cisi acimwi, bantu boonse, mwaambo oonse. I mililo ya lubukulusyo ilasuka, miswaangano mipati ya kuponya. Mwabona?

¹⁸³ Lino, amu libambile. Mukati, aanze, kufumbwa oko nko mubede, amu tambule Kristo. Sa mula cita, sunumasiku?

¹⁸⁴ Lino, kuzwida eno, Nda lipa lwangu ku Mwami Jesu, kutegwa Ndi konzye kulipa lwangu ku Muuya, ku kulemya buyo Jesu Kristo; kutali lwangu, pele Jesu Kristo; kuti bantu aba, bantu bangu, beenzuma bangu, mukati aanze ly dolopo, inga waziba kuti Makanimabotu Nge kakambauka nga i... nincobeni Bwini. Elyo Kristo uli waano ku Li simpikizya kuba Bwini, kwiinda ku Ijwi Lyakwe a Muuya Wakwe.

¹⁸⁵ Tuyo elela kubaita omwe buyo ku ciindi. Aboobo tu yooba... Tuyo talika a mweelwe mutaanzi, IQ mweelwe mutaanzi. Nguni ujisi? Ikuti—ikuti na to konzyi kubuka lino, baalu bayo kubweza. Tu yanda kubweza umwi aumwi wanu. Q mweelwe mutaanzi. Mukwesu Hickerson, Billy Paul... Na, lindila, Doc uyo mugwasya awa. Q mweelwe mutaanzi, sa inga watambika janza lyako, kufumbwa oyo ujisi. Sena uli masimpe kuti eyo yakali Q? Na, ee, oh, Nda usa. Yaa. Boola mpoonya atala. Komu tondezya nzila, kwiinda mu kazila awo. Q namba wani. Yaa.

¹⁸⁶ Mweelwe wabili, tambika janza lyako, akaka. Yaa, mulindu uukkede kusule kwini *awa*. Yaa, mulindu, boola. Amubambe nzila yanu mpoonya awa; ikuti na nyoonse moyo mulekela. I balombe kuyo mugwasya, bamaasha abamwi bambi. Q namba thrii, tambika janza lyako. Namba thrii. Sa inga watambika janza lyako, kufumbwa oyo ujisi Q namba thrii. Amubone ikuti na oyu mulindu uunka awa, ikuti na ujisi kkaadi. To—to jisi na? [Ii mucizi waamba, "Mukwesu Branham, Nda kalomba kkaadi. Pele Nda bona mweenzuma wangu, oyo wakaimvwi a mulombe ucisidwe."—Mul.] To—to konzyi kucita ceeco. ["Konzyi?"] Peepe. We elede ku cijata a kuswiilila ku malailile. Tuyo bweza muvwanda, nekuba. Mwabona? Ko boola buyo cindi mweelwe

wako waitwa. I muvvanda inga wasika cindi waitwa. Mwabona? Uli kabotu.

¹⁸⁷ Mweelwe mutaanzi, wabili. Nguni ujisi mweelwe watatu? Tambika janza lyako. Mweelwe watatu. Mweelwe wane.

¹⁸⁸ Lino, eco ncibotu maningi kuli nduwe, mucizi, kufumbwa na wakali ni, oyo mulindu wakali kuyanda kucita ceeco. Mwabona? Pele, mwabona, ikuti—ikuti na mweelwe wabo waitwa, bayo boola buyo mbuli... Ikuti na tabaitidwe, tula babweza, nekuba. Mwabona? Tu yanda kuti mu busena bwako, kutegwa mukonzye kuba a busena bwanu, anywebo, nywebo mwabona. Mwabona? Yaa.

¹⁸⁹ Mweelwe watatu. Mweelwe wane. Mweelwe wasanu. Q mweelwe wasanu, amunyamune... Kusule kwini, mwanakazi mukubusyi. Mweelwe wacisambomwe. Yaa, mwaalumi mukubusyi. Mweelwe waciloba. I mwaalumi mpoonya awa. Mweelwe walusele.

¹⁹⁰ Twe elede kucita ceeci. Nywebo mwabona, tamu konzyi kucicita; muba basyankene buyo, inga mwaamba kuti, "Bantubonse bayanda kukombelwa."

¹⁹¹ Andi mutondezye cintucimwi, ikuti na tuyanda kubona kaambo nco tweede kuba ndandamika. Bantubonse omuno bayanda kuboola a kukombelwa, amunyamune maanza anu mujulu, nyoonse, takukwe makani na nduweni. Amulange okuya. Nguni uyo boola lutaanz? Mwabona? Kweelede kuba muntuumwi.

¹⁹² Billy waselemuka awa, watola makkaadi aya, a kwaasanganya oonse kumbele lyanu, elyo ula pa kufumbwa muntu kkadi lya mupailo oyo uyanda lyomwe. Inga wajana faivi, sikisi, alimwi ziindizimwi tula talika kubusena bumwi bumbi. Elyo tacibambi lwandaano luli loonse awo mpo tu... Elyo mpawo balo mu bbunga baka ponesegwa ncobeni kumbele lya baaba aa cibumbili, ciindicimwi. Mbangaye bazi booboo, boonse beenzu a... Ee, masimpe, taba jisi cintu cakucita a ncico.

¹⁹³ Mweelwe wacisambomwe, oyo umwi wasika? Mweelwe waciloba. Mweelwe walusele. Nguni ujisi kkaadi lya mipailo lya eiti? Waka cijana kale? Mweelwe wafuka.

¹⁹⁴ Eiti, namba eiti, tu yanda kuti mu cimvwe lino. Ndiza muntuumwi aanze. Ikuti na nkobali, muntuumwi tambika janza lyakwe, na cintucimwi, muntuumwi aanze, wata konzya kunjila. Mweelwe wa lusele. Mukwesu Collins, sa kuli umwi kusule okuya, mweelwe wa kkaadi lya mupailo wa eiti, kusola kunjila? Yaa, kkaadi lya mupailo namba eiti. Yaa.

¹⁹⁵ Mweelwe wafuka. Kkaadi lya mupailo lya fuka, tambika janza lyako. Ndiza ba kazwa, tiiba kakonzya kunjila. Ikuti na bakanjila, akuba bikka mu mundando.

¹⁹⁶ Mweelwe wakkumi, tambika janza lyako. I mwaalumi uli kulaale kusule. Boola, munene. Botelwa kubona kuti waitwa. Wa liimvwi kusule okuya, maulu kacisa. Namba teeni.

¹⁹⁷ Namba ileveni. Tambika janza lyako, kufumbwa oyo ujisi kkaadi lya mupailo Q namba ileveni. Yaa, ileveni.

Twelufu, Q namba twelufu. Nzila . . . Yaa, twelufu.

¹⁹⁸ Theetini. Theetini. Tambika buyo janza lyako, akaka, kutegwa Ndi konzye kubona. Kkaadi lya mupailo lya theetini, Q theetini. Footini. Footini. Fifitiini. Ali ongaye makkadi ngo vozya, Billy, mwaanda? Theetini, Footini, a fifitiini, taako. Kkaadi lya mupailo lya theetiini, footini, a fifitiini, sa nkoli? Fifitiini, sikisitiini, seveintiini, eitiini, naintiini, twenty.

¹⁹⁹ Q ya kusaanguna, mpawo kubweza J, elyo mpawo kuzumanana buyo kuselemuka mundando. Ndi yeeya kuti bali mukusola kunjizya ezi, lutaanzi, mwabona. Twa mana kwiita ceeco, tuyo njila muli bamwi mbuli buyo mbo tu boola. Waamba nzi? [Ii mukwesu ukhana ku Mukwesu Branham—Mul.] Nce ncico. Nywebo mwabona, twa vozya makkadi, cifumo cino, nkabela bantu teeба jokela, ndiza. Mwabona? Yaa.

²⁰⁰ Atu talikile ali oyo muniini. Obo . . . Yebo utandila buyo kweelana a mundando wako awo lino? Yaa. Lino, nguni ujisi fifitiini, sikisitiini, seveintiini, eitiini, naintiini, a twenty, muli ya Q? Twenty wani, twenty tuu, twenty thrii, twenty foo, twenty faivi. Lino amu libambile buyo, kwamana buyo eci. Tu jisi mundando uzwide awa lino. Elyo mpawo tuyo boola nkoonya kuli mbabo, kuzumanana ncobeni kuselemuka mundando, mpawo kusotoka moonya mu makkaadi, alo a J, awp mpo twa siila, akuya ansi mane twa boola kumamanino angawo.

²⁰¹ Lino amubatame buyo manigi ku ziindi zisyoonto. Lino, Nda lombozya ni twali jisi busena bwa kukkala. Ndi lombozya kuti nikwakali nzila imwi Nje konzya kucita ceeco, pele ta tujisi pe. Pele, lino, Ndi yanda kuti mubatama buyo. Lino, takuna mana. Maminiti ali kkumi mane naini. I kuswaangana kuyo mana, cisela ca oora cimbi. Aboobo, oku nkujala kwa kuswaangana, elyo aboobo lino amubatame loko. Amubatame ncobeni. Muta endeendi konse.

²⁰² Elyo mbangaye omuno bata jisi makkaadi aa mipailo, elyo nekubaboobo muyanda ku kombelwa? Amunyamune maanza anu. Ee, bali kumasena oonse. Lino, ikuti na to jisi kkadi lya mupailo, Ndi yanda kukupa Lugwalo lumwi.

²⁰³ Ciindi cimwi Mwami wesu wakali kuyo busya musimbi, muniini uuwide, oyo wata kalina kufwa, mwana musimbi wa Zakayu. Elyo mwanakazi wakati mu moyo wakwe, "Nda Mu syoma kuba Muntu uusalala. Nda Mu syoma kuba Mesiya." Elyo waa kajisi penzi lya kuzwa bulowa kwa myaka minji. Elyo waa kasobelela kwiinda mu bbunga a kuguma cikobela Cakwe. Kasola kubala kaano?

Elyo Jesu wakaima, kati, “Nguni wa Ndi guma?”

²⁰⁴ Elyo Petro waka Mu tapatila. Wa kati, “Ee, boonse babo bali muku Ku guma. Elyo nkaambonzi Nco wamba, ‘Nguni wa Ndi guma?’”

²⁰⁵ Wa kati, “Nda kompama. Bubotu, nguzu, zyazwa kuli Ndime.” Mwabona eco nco cicita kuli nduwe, cilengaano? “Nda kompama. Nsana zyazwa kuli Ndime.”

²⁰⁶ Elyo Wa kalanga koonse, atala lya bbunga, kusikila Wa kajana mwanakazi. Waa kali yoowede. Waa kayeeya kuti wakacita cintucimwi cilubide. Pele Wa kamulanga, nkabela Wa kamwaambila makani aa kuzwa bulowa bwakwe, a kuti, “Lusyomo lwako lwa kufutula.” Mbangaye bazi kuti obo Mbwini?

²⁰⁷ Lino, kuli ndinywe no basicikolo bapati iba Bbaibbele, sa Bbaibbele lyaamba, kuti, “Jesu Kristo ndyoonya lino Mupaizi Mupati, mupaizi wesu Mupati, oyo ukonzya kugumwa kwiinda kukulimvwa kwa kulengauka kwesu”? Mbangaye bazi obo? Ee, ikuti na Walo Mupaizi Mupati lino oyo ukonzya kugumwa kwiinda kukulimvwa kwa kulengauka kwesu, mbobuti Mbwa nga wacita, ikuti na Ngu mbobuca nguwenya, sunu, amuya myaaka? Na keeleta kucita nzila njiyonya Nja kacita kaindi. Sa mbo mbubo?

²⁰⁸ Ee, lino, Ta jisi mibili wakunyama lino, nkambo uli ku janza lyalulyo lwa Leza. Pele Uli jisi mibili yesu eyo Nja belekelamo, alimwi walo Muuya Wakwe kaubeleka kwiinda muli ndiswe, mibili Mbwa kaamba kuti mbo cakabede. “Njo oba a ndinywe, muli ndinywe; milimo eyo Nje cita, moyo icita anywebo. Minji kwiinda eyi moyo icita, minji, nkambo Nda inka kuli Taata.” Inga waima mu busena bwesu. Mwabona? Pele inga Wa tunanika kubelesya Muuya.

²⁰⁹ Lino, nywebo nomuli okuya mu bbunga, amu lange buyo munzila eyi. Elyo muta ndilangi mibili Mukwesu Branham. Yebo waamba buyo kuti, “Mwami Jesu, Uli Mupaizi Mupati, alimwi Uli mu buyake obu. Elyo Ndi yanda ku Kwaampa a kulengauka kwangu, ku Kwa ambila, Ndili cisidwe. Elyo Ko cisimpikizya a ndime, a kulekela buyo Mukwesu Branham kunyona mibili, kwiinda ku Muuya Wako, a kundaambila mibili Mbo kaamba mwanakazi oyo. Eco ciyo cibamba.” Nda zundikizya lusyomo lwako, mu Zina lya Mwami, kucita ceeco. Lino amubone ikuti na cili luleme na pe. Amu lombe Leza kuti, akubona na cizwa munzila eyo. Lino amubatame buyo maningi.

²¹⁰ Lino inga waleta balwazi bako. Na, sa oyu mwaalumi? Ncibotu. Cintu citaanzi mu mundando, eci cibeela ca mundando...

²¹¹ Kuli bantu banji omuno. Tu sola kugwisya bantu, bantu baku Jeffersonville; kulekela buyo bantu bata kkali mu dolopo, abo balisyanikizya kunjila. Nkaambo, mu musyobo

oyu wa mundando, ikuti na bantu bazwa okuno, kuzunguluka Jeffersonville, inga bat, "Baa, Mukwesu Branham ulizi bantu abo. Masimpe, obo mbo cibede." Pele, mubwini, taakwe nibakali mu Africa, a India, a Asia, a Europe, a koonse kuzunguluka inyika, mu masena amwi. Pele Ta ndizi obo.

²¹² Nda syoma, bantu aba boonse mu mundando oyu awa lino, balibonya kuli ndime mbuli kuti mbeenzu kuli ndime. Sena nyoonse muli beenzu kuli ndime? Amu tambike buyo maanza anu ikuti na mbo mubede. Ncibotu. Eco ncibotu. Mbangaye kumasena mu bbunga beenzu kuli ndime, na mulizi kuti Nse zyi eco cilubide kuli nduwe? Kufumbwa buyo muntu, takukwe makani na nguni. Masimpe, tamu citi, mwabona. Pele Ula cita. Lino, Ta ndaambi kuti Uyo cita. Pele ikuti na Uyo cita, mpawo eco ci Mu bamba kubako mpoonya awa.

²¹³ Lino, oyu mwaalumi awa, Nda syoma, watambika janza lyakwe, kuti walo a Ndime twakali beenzu kuli umwi aumwi. Tuli beenzu. Nsenya mubwene mwaalumi mu buumi bwangu. Ndi jisi...[I mukwesu waamba, "Nse na kubwene."—Mul.] Ta kandi bona mu buumi bwakwe kusikila buyo lino. Twa kaboola mu buyake, alimwi twa kabona umwi aumwi lino ku ciindi cesu citaanzi.

²¹⁴ Lino, nceeci cifwanikiso cilondokede ca Filipo kaunka, kabamba Nataniyeli, a Nataniyeli kaboola kumbele lya Jesu. Lino, kutali kuti ngu Nataniyeli, na ndime Jesu. Lino, muta yeeyi ceeco. Pele nikwakainda myaka, ku cisymezyo eco cakabambwa kaindi. Elyo mbaaba bantu bobilo bata kaswaangene mu buumi, mbuli buyo bantu bobilo mboba kabede kaindi. Elyo ikuti na Jesu ucili mbubonya, ula konzya kupa muuya wakwe ku lusyomo, alimwi Nda konzya kupa muuya wangu ku lusyomo, kuli Kristo, kwiinda ku cipego ca Buleza ica Muuya Uusalala, a kukonzya kucita maleele ngaonya. Sa mbo mbubo? Elyo ncigambyociinda. Kwaamba, "Elyo maleele?" Ee, mbobuti Mbwe konzya ku ciziba, ikuti na Nsenya mubwene? Ngaaya maanza angu. Ta tuna swaangana. Swebo, mpaawa twaima, kwa ciindi citaanzi. Leza uli muzyi; Ta ndizi.

²¹⁵ Lino, amuyeyeye, kamuno ndikombela. Lino, ziindizimwi muli zeezi—mu ciindi eci, Muuya ulananika, wali kucicita kunji loko lino, kusikila caba ii...Ee, Ndi—Ndi yanda kuti mukkalikile buyo. Amubatame ncobeni. Amulangilile. Amube mu mupailo.

²¹⁶ Lino, Ndi yanda buyo nduwe, munene, kutali kukuziba, pele uli waano ku kaambo kamwi Nce tazi. Pele kufumbwa mbo cibede, alimwi Mwami Jesu uyo ndaambilila eco neco yanda Nguwe, kakutakwe nduwe kundaambilila, eco inga ca Mu bamba buyo obo mbo Nda kaamba kuti Mbwa kabede, mbobuca nguwenya, sunu, amuya myaaka. Mula syoma obo? [I mukwesu waamba, "Masimpe."—Mul.] Ncibotu. Ula syoma obo. Elyo lino

bbunga lila syoma obo. Elyo Mwami waamba kuti Uyo cicita, mu Bbaibbele Lyakwe.

²¹⁷ Lino, mpaawa mpe Nda kajanwa naa kwaamba Bwini kubelesya Bbaibbele lya Leza, na Bbaibbele lya kasyomezya cintucimwi eco Nco takonzyi kwiima kunze, na Ndili sikuupaupa; umwi na umbi. Mwabona? Mbo mbubo. Mwabona awo mpo kalibikka lwako. Nda kacita ceeco kumbele lya zyuulu zinji, zinji zya bantu, basikujana butongo a boonse. Pele Ndi lizi kuti Ula syomezya, alimwi Ula bamba cisyomezyo Cakwe.

²¹⁸ Nda Ubuna kautalika mpoonya awa lino. Nda bona bantu kaba kuzungulukide. Aa zikambaukilo mu miswaangano yaanje, ta tujisi muntu naba omwe. Mwabona? Kuli bantu baciswa awa. Kufumbwa buyo Ca talika, inga wa Ci mvwa. Walo Muuya Uusalala. Amubatame ncobeni lino, amubatame buyo lino, mbuli mbo tukonzya kukanana. Iiyi, munene. I Mwami Jesu ula tu yanda toonse, nkambo tuli bantu bobilo abo Mba kafwida. Elyo ciindi cesu citaanzi cakuswaangana. Ikuti na uli mu kubula, Leza ulakonzya kupa kubula oko, nkaambo Wa kasyomezya kuti Uyo cita.

²¹⁹ Pele lino, muntu, ikuti na uusyomeka mu moyo wakwe, ulizi kuti cintucimwi cila citika. Ta konzyi buyo kuyeeya ncobeni mbo cibede. Pele oyo Angelo ngo mubona mu cifoto, ula boola munsi loko a munsi loko ku muntu, alimwi ula yabaala kuzwa kuli ndime. Elyo mwaalumi uciswa penzi lya moyo, alimwi ujisi dayabbetisi. Mbo mbubo. Ngu MBUBOOBU MBWAAMBA I MUUYA. Ikuti na mbo mbubo, tambika janza lyako.

²²⁰ Lino, ikuti na Nse kakubwene, mbobuti Mbwe konzya kuziba cintu cili coonse kujatikizya nduwe? Nzila imwi, nzila njiyonya Nja kazi okuya. Sa mbo mbubo? [I mukwesu waamba, “Mbo mbubo.”—Mul.] Sena bbunga lila syoma obo? [Mbunga yaamba, “Ameni.”]

²²¹ Lino, baa—baa kutali buyo kutola ciindi cesu, aniini buyo, kutegwa mubone kuti tii cakali buyo kuyeeyla cintucimwi. Atu bweze cintucimwi cimbi, a kubona buyo ikuti na Muuya Uusalala uyo yubununa cintucimwi cimbi kuli ndiswe. Atwa ambaule buyo ku muntu kaimvwi alya, aniini buyo. Ndiza kuli cintucimwi cimbi mu buumi bwakwe, ndiza cintucimwi cimbi cilubide kuli nguwe. Ta ndizi.

²²² Ta ndizi ncobeni eco Nce kaamba. Inga ndacibona aa rekkoda awa, nkaambo, mwabona, calo ncilengaano, nywebo mwabona awo mpa kabede. Iiyi, Nda cibona lino. Neintucimwi kujatikizya bulowa bwakwe. Ngu suga, inzya, nyota loko. Uli jisi bulwazi bwa shuga, alimwi bwakapangwa ku penzi lya moyo, eelyo lyakaleta moyo wa kulibilika. Wa kali jisi eco kwa ciindi cimwi. Elyo tazwi mu dolopo eli. Pesi uzwa ku Indiana, kuzwa ku busena buli mu busena bwiitwa mbuli Borden. Muli...

Nda ibona Borden. Yebo uzwa ku Borden. Ngu MBUBOOBU MBWAAMBA I MWAMI. Nce ncico.

Elyo kuli cintucimwi cilubide mu buumi bwako.

²²³ Nceeci cintu cimbi. Nda bona mwanakazi kalibonya awa mu cilengaano, nkaambo uli bombede- . . . Walo mukaintu wako, alimwi uyanda kuponesegwa kumwi. Elyo uciswa musyobo umwi wa kukola. Ngwa asima, uli jisi.

²²⁴ Elyo ujisi cintucimwi cilubide mu buumi bwako, eco ncokali kusola kucita. Ku lusyomo, uli muna Pentekoste, nkaambo, nywebo, mwabona nywebo ku muswaangano wa Pentekoste oko nkobaongolola a kukamba maanza abo. Elyo usola kulala . . . Ula fweba. Nce ncico ncosola kuleka, kufweba misanga yatombwe. Mbo mbubo ncobeni. Ngu MBUBOOBU MBWAAMBA I MWAMI. Obo mbwini. Embo na? Masimpe, mbo cibede. Mwabona? Sena ula syoma kuti Mpali ano lino, uliko? Sena uli libambilide kuzumina kuponesegwa kwako?

Atu kotamike mitwe yesu.

²²⁵ Mwami Leza, Oyo wakabusya Jesu Kristo Oyo uliko lino, oyu muntu, Mwami, oyo uli waano ku zilongezyo zya Leza ku kulyookezya ali nguwe, twa komba kuti Uyo mupa kuyandisya kwa moyo wakwe, mu Zina lya Jesu Kristo. Ameni.

²²⁶ Amubweede ku muunzi wanu, amu cijane buyo mbuli mbo mwasyoma. Eyo nje nzila mbo ciyooba. Leza amu longezye.

²²⁷ Sena ula syoma? I Leza Singuzuzyonse, Oyo wakalemba Bbaibble eli, Oyo Muuya nkouli, kuziba kuti Nse na mubwene mwaalumi mu buumi bwangu, acaali, mane miniti ndyoonya eli. Pele, Ndi lizi cintu comwe, Muuya Uusalala uli mpoonya awa. Ta ndizi eco Nca yoocita, pele Ndi lizi kuti Mpali ano.

²²⁸ Sa oyu mulindu? Yaa. Sena tuli beenzu kuli umwi aumwi? Ee, wa—wa—wa kandi bona ku miswaangano, pele Nse kuzi. Mbo mbubo. Yaa. Mpawo, uli waano ku bukanze bumwi.

²²⁹ Lino, mwanakazi inga waba kuno . . . Inga kali Munakristo; inga taacita. Inga kali sikujana butongo. Ikuti na nkwalii, amulangilile buyo eco cicitika. Mwabona? Elyo Nse zyi kaambo ncali boobo.

²³⁰ Baama bali kkede abusena bumwi mu buyake, mwanakazi wamusela. Sa inga wayeeya kuti inga Nda sola kucisa cintu eco citakweankociya? Yebo ueyeya kuti inga Nda boola kuli nguwe mbuli silweeno? Inga nsecita ncobeni. Inga ndasala buyo kweenda kuzwa aa cibumbili a kuya ku muunzi; Nda kakambauka Mulumbe. Pele nku koonse kwiinka a Mulumbe. Kristo ngu mbobuca nguwenya, sunu, amuya myaaka. Takukwe makani eco inyika nco yaamba kujatikizya ncico. Twe elede ku ciiminina, nekuba. Leza wakati kocicita.

²³¹ Mukuta kuziba; alimwi, mubwini, yebo ukkede mu muswaangano, antela oko kuli myaanda a myaanda ya

bantu, inga Nse ba a nzila yakuziba. Pele nceeci cifwanikiso lino ca Musalali Johane 4, mwaalumi a mwanakazi, kabaswaangana kwa ciindi citaanzi. Mwami wesu a mwanakazi wa muswaangano waku Samariya alubo. Lino ba kaambaula. Wa kakwaba muuya wakwe, kalizi eco cakalubide kuli nguwe, a kumwaambila, nkabela waa ka Mu ziba kuba Mesiya. Sa inga wacita cintu nciconya? Inga wacita.

²³² Sa nkamu ya bantu iyocita cintu nciconya, mwanakazi oonse kubusena kuya? [Mbunga yaamba, “Ameni.”—Mul.] Akube kuti Leza acipe. Iiyi.

²³³ I mwanakazi uciswa ii—ii bulwazi bwa kulibilika. Waa kajisi obo kwa ciindi cilamfu, myaka minji yakainda. Nda konzya kumubona nekuba mbuli mwanakazi mukubusyi. Pele eco tacili cintu cipati nca yanda kuti ndikombele. Ngu coondamazwi eco cimu sumpula. Nce ncico nco yanda kuti ndikombele.

Lino sena ula syoma?

²³⁴ Atu kanane kuli nguwe aniini ambi. Akube kuti Muuya Uusalala upe ceeci. I mwanakazi mubwini ngu i—i mukowa wakutolela lusyomo. Zina lyakwe ngu Hanson. Obo mbwini. Norway na Swedish, umwi. To zwi mu dolopo eli. Yebo uzwa ku busena butegwa Canton. Elyo omo mu cisi cipati oko kuli whiiti bunji. Elyo ngu Minnesota. Nko nkuko nkomwa kazwida. Obo mbwini. Lino kojokela ku muunzi; wa ponesegwa. Jesu Kristo wakubamba kuba kabotu. Kwaambila bantu zintu zibotu Mwami nzya kakucitila.

²³⁵ Ndi yeeyela kuti tuli beenzu kuli umwi aumwi. [I mucizi waamba, “Iiyi. Nda kali mu miswaangano, pele to ndizi pe.”—Mul.] Nse kuzi. Peepe, baama. Pele Mwami uli kuzyi. Uli waano ku bukanze bumwi. Ta ndizi. Pele ikuti na Mwami Jesu uyo ndiyubunwida kaambo ncoli waano, uyo ziba naa obo mbwini. Ikuti na Nda boola okuno a kuti, “Uli cisidwe, mwanakazi.” Masimpe, uliimvwi mu mundando wa mipailo, eco citondezya... [Kabeela katakwecintu aa teepu.]

²³⁶ Kulangwalangwa kwako kutondezya kuti ujisi cintucimwi cilubide ku muni. Wa amba kuti cali cilwazi caku muni. Mbo mbubb. Mubandi buyo kuli nguwe asyoonto. Buyo... Sena ula syoma kuti Mwami Jesu, oyo wakaambaula ku mwanakazi ku mukalo, ngu Jesu nguwenya sunu? [I mucizi waamba, “Iiyi.”—Mul.] Ula cita na? Kuba, kuboneka kuba a muuya mubotu. To zwi kokuno pe. Yebo uzwa kujwe, kuzwaku Ohio. Mbo mbubo. Isikatiton, Ohio, kuboola okuno. Mbo mbubo.

²³⁷ Nda bona ii... Ukombela muntuumwi umbi. Oyo mulombe. Walo ujisi penzi lya moyo. Walo ujisi zilonda, awalo, musyobo wa kulibilika wa mulombe. Mbo mbubo. Elyo ukombela buntu bwakwe, nkaambo ta futukide. Ngu MBUBOOBU MBWAAMBA I MWAMI. Obo mbwini. Embo na? Wa ponesegwa. Ko zumanana kujokela. Ko mwaambila, koba a camba cibotu. Jesu Kristo... .

²³⁸ Mukuta kuziba, mulindu, mukuta kuziba. Leza uli kuzi. Ikuti na Leza uyo ndaambila penzi lyako, ula ndisyoma kuba mulanda Wakwe? Ko Mu simpikizya buyo. Mwabona, eco Nce yanda kucita nkubamba bantu aba, abo baboola mu mundando wa mipailo, kubona kuti Mpali ano.

²³⁹ Cintucimwi cakacitika mu muswaangano. Kuli banakazi bobilo kabaimvvi alya, bobilo, mabbainokkilasi. Muntuumwi waka Mu guma, a kulimvwa kwa kulengauka kwabo. Ikuti na Nda konzya buyo kubona mwanakazi, eelyo... Penzi lyako lya matwi, lya mana lino. Amulange mulindu, obo kunji mbwa boneka mbuli umwi oyu. Ba kaliimvvi alya. Nda kali kukonzya kuba bona. Pele umwi wakali kucita *ceeci*; alimwi kwakanyina cintu kuli *ceeci* cimwi.

²⁴⁰ I kaambo ka ncico ngu, oyu mwanakazi wiiminina muntuumwi umbi. Mbo mbubo. Elyo oyo mwanakazi ngu simukobo nyokwe. Elyo ujisi coondamazwi. Elyo wi iminina nguwe. Elyo Nda kubona ko mukombela, nkaambo ta futukide. Elyo ula mukombela. Eco ncintu cantanze. Kobikka katambala ako ali nguwe, ako nko jisi mu janza lyako. Komwaambilila kuta zumbauzya, a kupa buumi bwakwe kuli Kristo, nkabela coondamazwi cakwe ciyo musiya.

²⁴¹ [Kabeela katakwecintu aa teepu—Mul]. . . kaomoka, mucizi? Ula syoma Leza? Ula ndisyoma kuba mulanda Wakwe? Ula syoma na kuti Leza inga wandaambila eco neoomoka, a kuyandisya kwako mbo kubede? Ikuti na ula syoma obo, tambika janza lyako. Ula syoma kuti kupasukilwa kwacilonda kula musiya? Ikuti na ula cisyoma, kuyo unka. Koba buyo a lusyomo. Uta zumbauzyi buyo.

²⁴² Wapona buti? Yeeyela kuti tuli beenzu kuli umwi aumwi. I Mwami Jesu uli tuzi toonse. Uli mwanakazi mukubusyi singuzu. Pele toli kokuno kuli lwako. Nda bona cibbadela kaciytuka, bulo. Elyo balo mbanyoko mba kombela, alimwi ujisi cimvule ca lufu. Walo uciswa eikkalilo ca mululwe, zikoto. Elyo ujisi kkulenge, awalo, cimvule cisiya ca kkulenge. Kobweza katambala ako, muli ako nkoomoka, kakabikke ali nguwe. A kwiitila ku Zina lya Mwami, akuta zumbauzya. Ikuti na tamu kazumbaizya, Leza uyo mugwisya kuzwa awo a kumubamba kuba kabotu. Uta zumbauzyi lino. Koya mu Zina lya Mwami, a kusyoma.

²⁴³ Sena mwa kalamwa kuti Kristo ulapona?

²⁴⁴ Kuli cintucimwi ciluleme... Oh, walo mwanakazi ukkede nkoonya kusule okuya, mu cuuno eco. Walo uciswa kucisa mitwe. Elyo wali kukomba ku Mwami, okuya, kusola kumamela mwana oyo. Wa kumvwa, mucizi. Ca mana lino. Koimikila buyo ku matende ako, kupa kulumbaizya Leza kuli ncico, mulindu. Kopa buyo kulumbaizya Leza kuli ncico. Mwabona?

²⁴⁵ Ino waa guma nzi? Ta kandi guma. Pele waa guma oyo Mupaizi Mupati. Nse muzi mwanakazi. Nsenya mubwene, mu buumi bwangu. Pele Leza waka muponya mpoonya awo. Sena eco cibamba Jesu kuba mbobuca nguwenya, sunu, amuya myaaka? Masimpe, cila cita. Ikuti na mwakonzya kusyoma! Zintu zyoonse zilakonzeka kuli baabo basyoma.

²⁴⁶ Cila uma bbunga, muntuumwi kakomba. Mwabona, ciya awo nguzu mpo zyeelenya, awo Muuya. Ndi konzya buyo kutobel a kwaamba mbuli Mbwa amba; Ta ndizi. Oh, walo mwanakazi uusama magilazi akwe, kuzwa kukulila. I kaambo ncakali koomoka, nkaambo Muuya uli ali nguwe. Ngooyo Mbo ubede. Eelyo penzi lya mala ndyokali kuciswa; koba a lusyomo, luyo kusiya a kuta bweeda. Nse muzi mwanakazi. Nsenya mubwene. Ta guma ndime. Waa guma Mupaizi Mupati.

Ikuti na wakonzya kusyoma!

²⁴⁷ Ca kauma mwanakazi umbi. Ndi yanda muntu uli oonse uyanda, amulangisye awa. Amulange mwanakazi kalila; amulange mwanakazi umbi kakkede bweelede; amulange mwanakazi umbi munsi lyakwe, kalila. Waa kajisi penzi lya moyo, mulindu muniini ukkede mpoonya alya, kandi langide a lyako... Inzya. Mbo mbubo. Wa kajisi penzi lya moyo. Embo na? Ca kazwa kuli nduwe. Lusyomo lwako lwakauma mulilo a Leza, nkabela wa Mu guma.

Oh, eci ncibotuloko!

²⁴⁸ Mwabona mulindu oyo uukkede mpoonya awo a mutwe wakwe kauvundeme, kakomba? Mwanakazi ulaamvwi ku mutwe, mweenzu kuli ndime, uukkede awo. Iiyi. Wa kanyona, wa kamulanga. Ujisi penzi lya cibikkilo ca mululwe. Waa kali kukombela Leza kuti acigwisye kuli nguwe. Elyo wakali kukomba mpawo, "Mwami, a ndiite." Mbo mbubo. Ikuti na mbo mbubo, tambika janza lyako. Mbobuti Mbwe kaziba mupailo wako? Wa zwa kuli nduwe. Lusyomo lwako lwa kuponya. Koya ku muunzi a kuba kabotu.

²⁴⁹ Sena mula syoma? Ikuti na mwakonzya kusyoma, zintu zyoonse zila konzeka. Pele mweelede kusyoma.

²⁵⁰ Cizumanana mu cooko eco, ca oyo uukkede mukati *muya*. Mpoonya *awa*, wabili kuzwa ku mamanino, kufundilila kwa bulowa kwiindilide. Ikuti na uyo syoma a moyo wako oonse, mucizi, ca mana. Sena ula syoma Leza, ko Mu bweza ku Ijwi Lyakwe? Ncibotu. Tambika janza lyako. Eco ncokali kukombela, "Mwami, a ndiite mebo kucilila, a kufundilila oku kwa bulowa kwiindilide." Ndili mweenzu kuli nduwe. Ikuti na mbo mbubo, vukauzya janza lyako. Ncibotu. Ca zwa kuli nduwe. Koya ku muunzi a kuba kabotu.

²⁵¹ Nywebo mwabona mbo cibede? Lwalo ndusyomo. Ikuti na mula konzya ku cisayoma! Sena mula syoma? Mwabona, bantu abo kumasena okuya, taakwe makkaadi aa mipailo na cintu. Sa

uli libambilide kusyoma? Sa eyo nje nzila Mwami Jesu mbwa kacita cindi Na kali aa nyika?

²⁵² Ngooyu, oyu—sa oyu ngo nguwe, muntu wasika? Yaa. To zyi eco nco cicita, kuli ndinywe nyoonse. Ku Branham Tabernacle, lino amulangisye buyo awa atala lya janza. Mwabona? Nywebo mulizi kuti Nse janiki booboo. Ino ncinzi? I Muuya wa Mwami. Mbunanike.

²⁵³ Bantu banji taba mwisyi bunanike nco bwaamba. Ba yeeya kuti caamba koongolola. Olo ndutangalo. Nguzu ziboola kusetekene. Mwabona? Olo ndutangalo lwa Mwami. Ezi ni Nguzu zya Mwami; kuponesegwa, kubamba kabotu. Amulange eco Nca kacita ku musimbi muniini kakkede busiku bumwi, kalemene; ku muntu moofu; kuli bamwi, moonse mu masena.

²⁵⁴ Wapona buti, munene? Ndi yeeyela kuti tuli beenzu kuli umwi aumwi. Ta tuzibene umwi aumwi. Nse kuzi, alimwi to ndizi. Ikuti na mbo mbubo, tambika janza lyako. Yaa, muswaangano wesu mutaanzi. Cabulemu lino. Ngooyu mwaalumi, alimwi walo a Ndime...muniini loko kwiinda Ndime, a maanza esu mujulu, kuli umwi aumwi, kumbele lya Leza, kuti eci nciindi cesu citaanzi cakuswaangana. Jesu uli muzi muntu. Elyo kweelede kuba cintucimwi cilubide; uli imvwi alya. Ta ndizi.

²⁵⁵ Pele ikuti na Nda kaamba bwini, obo Leza mbwa kasimpikizya kwiinda ku bakamboni banji, kuti Nda kamwaambila bwini, kuti, “ku mibunda Yakwe mwa kaponesegwa.” Ndi bbala lyamba cakainda. We elede kujana lusyomo olo lugalankene, kutanta kwiinda zintu ezi.

²⁵⁶ Amulange kkulenge lyazimaana awa sunumasiku! Lino amulangilile buyo bumboni kabunjila kuzwa kuli mbubo, zyalo zimvule zisiya zya lufu. Dokotela wako mubotu inga wasola, koonse nkwickali kukonzya kucita, kuvuna buumi bwako. Pele cindi Leza aamba cintu cili coonse, nce ncico. Elyo tii wakali ndime. Nse jisi cintu cakucita a ncico.

²⁵⁷ Lino kuli bali myaanda yobilo awa beeleder ku kombelwa. Ndi yanda kupumuna asyoonto buyo lino. Elyo mpawo tuyu talika buyo kukombela bantu, kuba komezya; kutali kuzuza kwiinda mu mundando, pele kwiimikila awa kaba kombela. Ndi yanda kukombela bantubonse bayanda kukombelwa.

²⁵⁸ Pele kwiinda mu bbunga, a baabo aa cibumbili, Ndi yanda kuti muzibe kuti Jesu Kristo mpali ano. Sa mulizi obo? Nyoonse mulizi obo? [Mbunga yaamba, “Ameni.”—Mul.]

²⁵⁹ Lino, kutegwa cika kkalikile lyonse mu mizeeo yanu. Oyu muntu a Ndime, okuno a maanza esu mujulu kuli Leza, ciindi cesu citaanzi muswaangano. Ikuti na Uyo kanana maseseke aa moyo wakwe, mbuli buyo Mbwa kacita ku mwanakazi ku mukalo, na kuli Filipo, na muciindi coonse kwiinda mu mulimo

Wakwe, ikuti na Uyo cita ceeco, sa ciyo simpikizya kuli ndinywe nyoonse, kuti ngo Nguwe cakumaninina, Mwami Jesu?

²⁶⁰ Sa ciyo cita kuli nduwe, munene? [I mukwesu waamba, “Iiyi, munene.”—Mul.] Nse jisi nzila, taakwe muzeezo wa penzi lyako mbolibede. Ta ndizi naa uli sizibi na Munakristo. Nse konzyi ku kwaambila. Ula cita; Leza ulacita. Pele Nse konzyi ku kwaambila. Pele ikuti na Wa ndaambila... Pele uli Munakristo. [“Iiyi.”] Nkaambo, muuya wako mbo ujata buyo bunanike bwa Muuya oyu uli ali ndime, ula Utambula, aboobo Ndi lizi uli Munakristo.

²⁶¹ Elyo uli kunsi lya cimvule cisakene. Neintucimwi cilubide ku bulowa. Elyo wakali ku madokotela. Elyo ba yanda kucita kupandulwa, nkabela oko kupandulwa nkwapabede, Nda bamvwa, alimwi madokotela bobile kababuzya umwi aumwi, alimwi ba yanda kugwisya cibeela kuzwa ku mubili wako, eco citegwa mubengwa. Mbo mbubo.

²⁶² Elyo tozwi mu dolopo eli, pele uzwa ku dolopo pati oko kuli kabunga kapati ka musyobo umwi wa bukombi. Ngu Wheaton. Alimwi zina lyako ngu Karl Rhodes, Rhodes, cintucimwi mbuli Karl Rhodes. Ncibotu, munene. Ikuti na uyo syoma a moyo wako onse, inga wa bweeda ku muunzi wako, nkabela Leza uyo vuna buumi bwako. Sena mula cisyoma? [I mukwesu waamba, “Nda cisyoma.”—Mul.]

Atu kombe.

²⁶³ Mwami Jesu, lino Nda tanda bubi obu kuzwa ku mukwesu wesu. Elyo mu Zina lya Jesu Kristo, akube kuti apone ku bulemu bwa Leza. Ameni.

Leza aku longezye, mukwesu. Mu lweendo lwako, kosekelela!

²⁶⁴ Mbangaye basyoma lino a moyo wanu onse?

Lino, sa nku koonse oko kuyo kombelwa? Yaa.

²⁶⁵ Ee, penzi lyako lya musana lya kuleka kuciindi noli kkede awo, kutegwa inga waunka mu lweendo lwako, a kutangala ikuti na ula yanda. Elyo kozumanana buyo, kwaamba, “Alumbwe Mwami mubotu!”

²⁶⁶ Koya ukalye cilalilo cako. Penzi lyako lya mwida lya kuleka, kuboola mu mundando, kutegwa ukonzye kuunka a nzila yako, ayebo. Kosyoma buyo a moyo wako onse.

²⁶⁷ Coondamazwi cako tacika kuperenza, ikuti na uyo cisyoma. Kuzumanana buyo ncobeni, kutangala a kulumbaizya Leza, ikuti na ula konzya, mukwesu. Ncibotu. Ncibotu.

²⁶⁸ Sena ula syoma a moyo wako onse? Mbangaye basyoma Leza? Lino Ndila lyata buyo awa asyoonto buyo... 

MUNTU WAKAITWA AA LEZA TNG58-1005E
(God-Called Man)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono mangolezya, Kavumbikaniini 5, 1958, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org